

摘藻堂四庫全書薈要

經部

欽定四庫全書薈要

經部

爾雅注疏卷二

詳校官主事銜臣徐以坤



欽定四庫全書薈要卷三千二百七十

經部

爾雅注疏卷二

晉郭璞注 唐陸德明音義 宋邢昺疏

釋言第二音義

言魚韃反詩傳云直言曰言書傳云言辭章也東方朔云誦詩九萬言謂

字為一言也說文從口從辛聲左傳云介之推曰

言身之文也仲尼曰言以足志文以足言廣雅云言

從也此釋言篇者疏說文曰直言曰言仲尼曰言以

釋古今之訓義足志介之推曰言身之文也然

則言者發於志而形於聲所以文章於身者也論語

曰詩三百一言以蔽之曰思無邪左傳趙簡子稱子

太叔遺我以九言皆以一句為一言也漢書東方朔

云十六學詩書誦二十二萬言則以一字為一言也

雖一句一字有異要以今古方國殊別學者莫能通是以方言云皆古今語也初別國不相往來之言也今或同而舊書雅記故俗語不失其方而後人不知故為作釋是曰釋言

殷齊中也注書曰以殷仲春釋地曰距齊州以南音義

中如字又音仲又知衆反距又作距同音巨

疏

殷齊皆謂正中也注書曰以殷仲春者堯典文案彼云日

中星鳥以殷仲春孔安國以殷為正中正義同故也云釋地曰距齊州以南者彼注云距去也齊中也謂中州

為齊州是齊

得為中也

斯謏離也注齊陳曰斯謏見詩音義

斯私賢所宜二反謏尺氏反

疏

斯析謏張皆分離也孫炎曰斯析之離郭云齊陳曰斯者方言大陳風墓門云斧以斯之是也云謏見詩者小

雅卷伯云哆兮侈兮成是南箕鄭箋云因箕星之哆而又侈大之是也詒侈音義同

謏興起也注禮記曰尸謏音義

謏所疏謏興皆作起也六反禮記曰尸謏者

祭統
文也

還復返也注皆迴返也音義

還音旋復音服返音反說文同云春秋傳作返從彳

疏

皆迴返也春秋書師還又曰至河乃復之類是也

宣徇徧也注皆周徧也音義

徇本又作徇樊本作徇並辭峻反郭音巡張揖字詁

云徇今巡施音詢進本又為均序徧古通字

疏

皆周徧也大雅江漢云來徇來宣毛傳云徇徧鄭箋云宣

徧是皆為周徧也徇徇音義同

駟遽傳也注皆傳車驛馬之名音義

駟而實反郭音義云本或作遽聲類

云亦駟字同遽其據反傳也張繼反注同車音居

疏

皆傳車驛馬之名文十六年左傳曰楚子乘駟會師

于臨品又僖三十三年云使遽告於鄭又成五年曰晉侯以傳召伯宗是皆謂今驛也

蒙荒奄也注奄奄覆也皆見詩音義

蒙莫公反小爾雅云覆也覆音副

疏

皆謂奄覆唐風云葛生蒙楚孫炎曰荒大之奄周南云葛藟荒之故郭云皆見詩

告謁請也注皆求請也音義

告古毒反疏皆謂求請也成二年左傳曰卻克對

齊侯曰晉與魯衛兄弟也來告曰大國朝夕釋憾於敝邑之地詩序云無險詖私謁之心

肅雍聲也注詩曰肅雍和鳴音義

雍於容反疏和樂聲也注詩曰肅雍和

鳴者周頌
有替文也

格懷來也注書曰格爾衆庶懷見詩疏

謂招來也注書曰格爾衆庶者

商書湯誓文也云懷見詩者周頌時邁云懷柔百神

吟底致也注皆見詩傳音義

吟之忍反底之視反疏曲禮曰吟於鬼神昭元年

左傳叔向曰底祿以德周頌武篇云耆定爾功毛傳曰耆致也王肅云致定其大功謂誅紂定天下是毛讀耆為底故注

云見詩傳

怵怵也注今江東呼母為怵音義

怵音是怵音戶怵音市疏皆依

恃也郭云今江東呼母為怵小雅蓼莪云無父何怵無母何恃是也

律通述也注皆叙述也方俗語耳音義

通古述字一音餘橘反

疏

皆叙述也方俗語異耳律管所以述氣通者述行之也大雅文王有聲云通駿有聲之類是也

俞會然也注禮記曰男唯女俞會者應也亦為然音義

俞羊朱反會古荅字一本作荅唯維癸反應音磨

疏

皆然應也注禮記曰男唯女俞者內則文也會古荅

字故為應也

豫臚叙也注皆陳叙也音義

臚呂居反疏

皆陳叙也事豫備者亦有叙也漢書

云典客秦官太初元年更名大鴻臚韋昭曰鴻大也臚陳叙也以禮陳叙於賓客也又莊子曰大儒臚傳是也

庶幾尚也注詩曰不尚息焉音義

幾音機

疏

尚謂心所希望也注詩曰

不尚息焉者小雅菀柳篇文也鄭箋云尚庶幾也
也以心所念尚即是庶幾義相反覆故引之

觀指示也注國語曰且觀之兵音義

觀施音館謝音官注同

疏

謂示

呈見於人也注國語曰且觀之兵者案周語穆王將征犬戎祭公謀父諫曰不可先王耀德不觀兵犬戎氏以其職來王天子曰予必以不享征之且觀之兵無乃廢先王之訓而王幾頓乎是也論語曰指其掌謂舉掌以示人也

若惠順也注詩曰惠然肯來音義

肯口等反

疏

順不逆也書曰若稽古謂

順考古道也詩邶風終風云惠然肯來言有順心然後可來是也

教慚傲也注禮記曰無慚無傲傲慢也音義

教五刀反慚郭火孤

反沈亡甫反
傲五報反

疏

皆謂傲慢周頌絲衣云不吳不教注禮記曰無憚無教者投壺文也案彼云魯

令弟子辭曰毋憚毋教毋備立
毋踰言備立踰言有常爵是也

幼鞠穉也注書曰不念鞠子哀音義

穉直利反
又音稚

疏

方言云穉

年少也曲禮曰幼子常視無誑書曰兄亦不念
鞠子哀是皆謂年少也書曰者周書康誥文也

逸僇過也注書曰汝則有逸罰音義

僇去
虔反

疏

皆謂咎過也注書曰

汝則有逸罰者案商書盤庚云惟予一人有佚罰費誓
云汝則有常刑無云汝則有逸罰者師讀不同故也或
者其在今文乎僇者左傳
曰禮義不僇之類是也

疑休戾也注戾止也疑者亦止音義

戾力
細反

疏

戾止也書曰疑謀勿

成月令云百工休是疑休皆為止也

疾齊壯也注壯壯事謂速也齊亦疾音義

壯阻亮反疏急速齊整

皆於事敏速彊壯也

幪褊急也注皆急狹音義

幪本或作極又作亟同紀力反或音戒褊必淺反說文云

小衣也廣雅云褊狹陋也狹戶甲反

疏

幪與亟同大雅靈臺云經始勿亟文王有聲云匪棘其欲禮記引此

詩作匪草其猶草亦急幪亟棘草字雖異音義同魏風葛屨云維是褊心又廣雅云幪謹也褊狹陋也是皆急也狹也

貿賈市也注詩曰抱布貿絲音義

貿音茂字又作賈同賈音古疏謂市

買賣物也注詩曰抱布貿絲者衛風
氓篇文也大雅瞻卬云如賈三倍也

扉陋隱也注禮記曰扉用席書曰揚側陋音義

扉符沸反字又

作酢同疏皆幽隱也注禮記曰扉用席者案有司徹云
側音仄疏有司官徹饋饌於室中西北隅南面如饋之

設右几扉用席是也云禮記者
誤也云書曰揚側陋堯典文也

過蘧逮也注東齊曰過北燕曰蘧皆相及逮音義

蘧當例反

逮音代一疏逮謂相及也注東齊曰過
音徒帝反疏北燕曰蘧者方言文也

征邁行也注詩曰王于出征邁亦行疏

皆出行注詩曰王于出征者小

雅六月文也云邁亦行者詩云周王于邁是也

圮敗覆也注謂毀覆音義

圮皮美反覆芳服反注同

䟽

圮毀敗壞皆傾覆也書曰

祖乙圮于耿

荐原再也注易曰水荐至今乎重蠶為蠱音義

荐祖薦反又祖

遜反郭徂很反原舍人本作蠱音同再子代反重直用反又直龍反䟽皆重再也孫炎云

云易曰水荐至者周易坎卦象辭也云今呼重蠶為蠱者周禮夏官馬質云禁原蠶者是也

憮救撫也注憮愛撫也救寧見書音義

憮亡甫反救亡婢反郭敷靡反

孫敷是反䟽皆愛撫也方言云東齊邠陶之間謂愛曰憮故上云憮愛撫也云救寧見書者大誥云予翼以

于教寧武圖功之類是也

臞臠膏也注齊人謂瘠為臠音義

臞字又作癯同求俱反臠音求瘠秦昔反

疏

皆瘦瘠也鄭玄周禮注云瘦臞腐敗郭云齊人謂瘠瘦為臠

枕頰充也注皆充盛也音義

枕孫作光古黃反頰古迴字

疏

孫叔然本枕作

光書曰光被四表說文云頰火光也是皆充盛也

屢睭亟也注親睭者亦數亟亦數也音義

屢力住反亟墟女乙反亟墟

記反數色角反

疏

亟猶數也詩頌曰屢豐年左傳曰諸夏親睭親睭時恩信必數故注云親睭者亦數

靡罔無也疏

無不有也詩云靡神不舉書曰罔有攸赦皆是

爽差也爽忒也注皆謂用心差錯不專一音義

忒他得反或作

試

疏廣異言也爽謂差錯又為忒變孫炎曰忒變雜不

一郭云皆謂用心差錯不專一詩衛風云女也不

爽大雅瞻卬

云鞠人忒忒

𠂔貳也注𠂔次為副貳音義𠂔而疏𠂔次也次即

志反副貳之貳

劑翦齊也注南方人呼翦刀為劑刀音義

劑即隨反翦子淺反

皆謂齊截也郭云南方人呼翦刀為劑刀釋器云金鏃翦羽謂之鏃

饋餽稔也注今呼賃飯為饋饋熟為餽音義

饋方云反字又作餽

同說文作餽云脩飯也饋餽並同餽也字書云一蒸米餽力又反稔字又作餽同而審反餽音脩又西九反又所九反一音孫廣雅饋謂之餐也蒼頡篇云餐饋也餽字作餅俗作飯同符萬反字林云飯食也扶晚反飢也

疏稔熟也孫炎曰蒸之曰饋均之曰餽郭云今呼饌飯為饋饋熟為餽說文云饋一蒸米也餽飯氣流也然則蒸米謂之饋饋必餽而熟之故言饋餽餽也大雅河酌云可以饒饒饋饒音義同

媵將送也注左傳曰以媵秦穆姬詩曰遠于將之音義

媵以證反又繩證反方疏皆謂送行也孫炎曰將行之言云媵寄也記也送也疏送也注云左傳曰以媵秦穆姬者案僖五年晉執虞公及其大夫井伯以媵秦穆姬杜注云秦穆姬晉獻公女送女曰媵以屈辱之云詩曰遠于將之者邛風燕燕衛莊姜送歸妾之詩也

作造為也音義

造才疏謂營為也皆見早反鄭風緇衣篇

饗飫食也注方言云陳楚之間相呼食為饗音義

饗音非饗

音侯呼或疏皆飯食也方言云陳楚之間相呼食為餐作許同者案彼云餐飴食也陳楚之內相謁而食

麥饘謂之餐楚曰飴凡陳楚之郊南楚之外相謁而飧或曰飴或曰飴秦晉之際河陰之間曰饘饘此秦語也

大雅公劉云乃裹饘糧○饘惡恨切饘五恨切

鞠究窮也注皆窮盡也見詩音義

鞠居六反字又疏皆作鞠同究音救窮

盡也大雅雲漢云鞠哉庶正

小雅節南山云以究王訕

涵矜鹹苦也注涵苦地也可矜憐者亦辛苦苦即大鹹

音義

涵音魯鹹音疏郭云涵苦地也者謂斤涵可煮鹽咸憐力田反疏者左傳曰表淳涵云可矜憐者亦

辛苦者小雅鴻鴈云爰及矜人鄭箋云可憐之人謂貧窮者是辛苦之人也云苦即大鹹者釋經之鹹也鹹殊

極必苦故以
鹹為苦也

干流求也注詩曰左右流之疏

皆求取也論語云子張學干祿注詩曰左右流

之者周南
關雎文也

流覃也覃延也注皆謂蔓延相被及音義

覃徒南反本又作尋字孫

叔然云古覃字同蔓疏轉相解也皆謂蔓延相被及水音萬延相連不斷也疏之流必相延及詩周南云葛之

覃
兮

佻偷也注謂苟且音義

佻他調反郭唐疏小雅鹿鳴云了反偷他侯反視民不佻是

也李巡曰佻偷薄之偷郭云謂苟且左傳趙孟曰吾儕偷食朝不謀夕何其長也杜注云言欲苟免目前不能

念長久是謂
偷為苟且也

潛深也潛深測也注測亦水深之別名音義

潛掇監反
深如字又

尸鳩反測
初力反

疏

轉相解也詩曰潛雖伏矣是深也潛
深又為測郭云測亦水深之別名

穀鞠生也注詩曰穀則異室音義

六反

疏

皆生活也注
詩曰穀則異

室者王風大車篇文也
小雅蓼莪云母兮鞠我

啜茹也注啜者拾食音義

啜常悅反郭音銳顧緒芮反
施丑衛尺銳二反說文云啜

嘗也廣雅云食
也茹音汝食也

疏

說文云啜嘗也郭云啜者拾食禮記
檀弓云啜菽飲水大雅蒸民云秉則

茹之方言云茹食也吳
越凡貧飲食者謂之茹

茹虞度也注皆測度也詩曰不可以茹音義

茹如庶反注同度待

各反注疏

皆謂測度也注詩曰不可以茹者邶風栢舟文也左傳曰備豫不虞

試式用也注見詩書疏

皆任用也云見詩書者小雅大東云百僚是試兩無正云庶曰

式臧商書盤庚云今予將試以汝遷又云式敷民德之類是也

誥誓謹也注皆所以約勤謹戒衆疏

皆謹敕也以大義喻衆謂之誥集將

士而戒之曰誓尚書誥誓之類是也故郭云皆所以約勤謹戒衆也

競逐彊也注皆自勉彊音義

彊巨丈反注疏皆自勉強同又其良反也大雅抑

篇云無競維人馳逐者亦強梁也

御園禁也注禁制音義

園本或作御同俱魚呂反

疏

皆謂禁制小雅棠棣云外禦其

務養馬曰園亦所以

禁制故皆為禁也

室雍塞也注謂塞孔穴音義

室豬乙反又下栗反雍亡皆反

疏

皆謂堙塞孔穴

幽七月云穹室熏鼠大宗伯云以狸沈祭山林川澤是其類也

黼黻彰也注黼文如斧黻文如兩己相背音義

黼字或作黼同

音甫白與黑曰黼為斧形黻字或作黻同音弗青與黑曰黻黻戾也已音紀

疏

彰明也言文未著明也注

云黼文如斧黻文如兩己相背者考工記曰白與黑謂之黼黑與青謂之黻釋器云斧謂之黼蓋半白半黑似斧刃白而身黑黻謂以青黑線刺繡為兩己字相背黼取能斷黻取善惡相背

膺身親也注謂躬親音義

膺於疏服膺身先皆矜反謂躬親也

愷悌發也注發發行也詩曰齊子愷悌音義

愷悌苦玄反悌徒禮反

疏

謂發明而行也注詩曰齊子愷悌者齊風載驅篇文也毛傳云言文姜於是樂易然鄭箋云此豈弟猶言

發夕也豈讀當為閭弟古文尚書以弟為圉發夕也然則郭云發發行也是用鄭箋為說

髦士官也注取俊士令居官音義

髦音毛髦中之長髦曰髦士之俊傑者借

譬為名令力呈反

疏

下云髦俊也士者男子之美號言取俊士令居官也大雅棫樸云髦士攸宜是也

畯農夫也注今之嗇夫是也音義

畯子峻反主田大夫也嗇音色疏田

一曰農夫孫炎曰農夫田官也皆謂主田大夫也小雅甫田云田畯至喜鄭箋云田畯司嗇今之嗇夫也此注

云今之嗇夫是也然則田畯田官在田司主稼穡故謂之司嗇漢及東晉亦有此官謂之嗇夫故鄭郭皆云今之嗇夫也

蓋割裂也注蓋未詳音義

蓋古害反舍人本作害裂音列

疏割謂以刃裂之也

邕支載也注皆方俗語亦未詳音義

邕字又作擁

疏

謝氏云邕字又

作擁釋云擁者護之載郭云皆方俗語亦未詳

誚諉累也注以事相屬累為誚諉音義

誚謝之誚反郭置睡反諉郭女

睡反顧汝恚反謝音臻孫云楚人曰誚秦人曰諉疏謂累本又作累劣偽反字又作索同注同屬之欲反
累及也孫炎曰楚人曰誚秦人曰諉郭云以事相屬累為誚諉

漠察清也注皆清明音義

漢音莫

疏

樊光云漠然清貌察明也是皆清明也

庇麻廕也注今俗語呼樹蔭為麻音義

庇必寐反又音祕麻字又作休

虛求反郭許州反廕字亦作蔭於鳩反

疏

舍人曰庇蔽也麻依止也郭云今俗語呼樹蔭為麻文七年左

傳云葛藟猶能庇其本根

穀履祿也注書曰既富方穀詩曰福履將之疏

皆福祿也孝經

援神契云祿者錄也取上所以敬錄接下下所以敬錄事上注書曰既富方穀者洪範文云詩曰福履將之者

周南樛木文也

履禮也注禮可以履行見易疏

履又為禮也禮可以履行見易者序卦云物畜

然後有禮故受之以履
韓康伯云履者禮也

隱占也注隱度音義

度大疏占者視兆以知吉凶也
各反必先隱度故曰隱占也

逆迎也注

謂迎迓周書顧命云
逆子劉于南門之外

懽曾也注發語辭見詩音義

懽七疏懽猶言曾也曾則
威反也皆發語辭郭云

見詩者小雅節南山云懽莫懲嗟
衛風河廣云曾不崇朝之類是也

增益也注今江東通言增

疏謂饒益也郭云
今江東通言增

窶貧也注謂貧陋音義

窶求矩反毛詩疏窶者無禮也
傳云窶者無禮疏貧者無財也

由其無財以為禮郭云謂貧
陋邶風北門云終窶且貧

夢隱也注謂隱蔽音義

夢烏概反

疏

夢鄭即隱蔽也

傻吧也注鳴吧短氣皆見詩音義

傻烏緊反吧烏合反

疏

孫炎曰心吧也

郭云鳴吧短氣皆見詩大雅桑桑云亦孔之傻是也

基經也注基業所以自經營基設也注亦為造設

基墻

下土也又詁為始作事謀始必經綸也郭云基業所以自經營又為造設

祺祥也注謂徵祥祺吉也注祥吉之先見音義

祺音其下同見

賢遍反疏

舍人曰祺祥之祥謂徵祥也祥即吉之先見者也故又為吉大雅行葦云壽考維祺

兆域也注謂塋界音義

兆廣雅云葬地也本作兆音同塋音營

疏

謂塋墓界域也

孝經曰卜其宅兆廣雅云兆葬地也士喪禮云筮宅冢人營之鄭注云宅葬居也然則筮得吉兆經營之以為界域也

肇敏也注書曰肇牽車牛疏

謂敏疾也注書曰肇牽車牛者周書酒誥文也

挾藏也注今江東通言挾音義

挾戶疏謂隱藏物也郭牒反云今江東通言

挾史記秦有挾書之律

泱徹也注謂霑徹音義

泱子協反郭音接徹直列反霑竹簾反

疏

言潤澤泱洽相

霑徹也

替廢也替滅也注亦為滅絕疏

替謂廢已也小雅楚茨篇云子子孫孫勿替引

之是也替

又為絕滅

速徵也徵召也注易曰不速之客疏

轉相解也皆謂呼召注易曰不速客

者需卦上

六爻辭也

琛寶也注詩曰來獻其琛音義

琛勅金反疏謂珍寶也郭舒金反舍人曰美

寶曰琛注詩曰來獻其

琛者魯頌泮水文也

探試也注刺探嘗試音義

探吐南反疏試謂嘗之也論刺七赤反語云見不善如

探湯郭云

刺探嘗試

髦選也注俊士之選髦俊也注士中之俊如毛中之髦

音義

選宣
戀反疏 廣異言也毛中之長毫
曰髦士之俊選者是也

俾職也注使供職音義

俾必爾反
沈方寐反疏 俾詰為使言
任使供職也

紕飾也注謂緣飾見詩音義

紕婢寐反
寐反飾申職反緣悅面反

疏

謂緣飾見詩者
施云素絲紕之是也

凌慄也注凌慄戰慄慄感也注戰慄者憂感音義

凌力
升反

案郭注意當作陵埤蒼云凌慄也樊注作凌冰凜也力

膚反慄音栗慄舊音遽其據反亦謂戰慄也感字又作

戚七疏 轉相解也埤蒼云凌慄也郭言凌慄戰慄則凌

歷反陵音義同慄又為感郭云戰慄者憂感秦風黃

鳥云慄

慄其慄

蠲明也注蠲清明貌茅明也注左傳曰前茅慮無明朗

也音義

蠲古玄反又音圭

疏

郭云蠲清明貌樊光云蠲除垢穢使令清明茅亦明也舍人曰茅昧

之明也注左傳云前茅慮無者宣十二年傳文也杜注慮無如今軍行前有斥候踰伏皆持以絳及白為幡見騎賊舉絳幡見步賊舉白幡備慮有無也茅明也或曰時楚以茅為旌幟明即融朗也

猷圖也注周官曰以猷鬼神祇謂圖畫猷若也注詩曰

寔命不猷疏

猷謂圖畫又為若若如也注周禮曰以猷鬼神祇者春官凡以神仕者掌三辰之法

以猶鬼神示之居辨其名物是也詩曰寔命不猷者召南小星文也

偁舉也注書曰偁爾戈音義

偁尺證反

疏謂興舉也偁爾戈者周書牧誓文也

稱好也注物稱人意亦為好音義

好呼報反又如字注同

疏

謂美好郭

云物稱人意亦為好

坎律銓也注易坎卦主法法律皆所以銓量輕重音義

坎字又作欲苦感反銓七全反銓即稱

疏

謂銓量也樊光曰坎卦水也水性平律亦平銓亦平郭云易坎

卦主法者說卦云坎為水水平故主法云法律皆所以銓量輕重者白虎通云水之為言準也律歷志云繩直生準準正則平衡而鈞權矣又曰權衡者衡平也權重也衡所以任權而鈞物平輕重也本起於黃鍾之重一

倫容千二百黍重十二銖兩之為兩兩者兩黃鍾律之重是法律皆所以銓量輕重也

矢誓也注相約誓疏

相約誓也鄭栢舟云之矢靡它

舫舟也注並兩船音義

舫方訪反又音方並字又作併步頂反

疏

謂並兩船釋水

曰大夫方舟

泳游也注潛行游水底音義

泳音詠底丁禮反

疏

謂潛行游水底也邶谷風

云泳之游之

迨及也注東齊曰迨音義

迨音待

疏

謂相及也注東齊曰迨者方言文也

冥幼也注幼穉者冥昧音義

冥覓經反字林亡經亡定二反

疏

謂幼少也郭云

幼穉者冥昧小雅斯干云噦噦其冥

降下也音義

降古巷反下音如字一讀降音戶江反下音戶嫁反

疏

召南草蟲云我心則降

傭均也注齊等音義

傭勅恭反均音鈞

疏

謂齊等也小雅節南山云昊天不傭

彊暴也注彊梁凌暴音義

暴字又作莖同蒲報反

疏

彊梁者好凌暴於物詩序

云彊暴之男

寵肆也注輕寵者好放肆肆力也注肆極力音義

寵吐彫反

好呼報反疏

寵輕也肆放也輕寵者好放肆肆又為極力

侏戴也注詩曰載弁侏侏音義

侏音求弁音卜

疏

謂頭戴也注詩曰載弁侏

侏者周頌絲衣文也

瘞幽也注幽亦薶也音義

瘞於例反又於計反或作陞同薶莫皆反

疏

皆謂薶藏

麓罽也注毛麓所以為罽音義

麓力知反又力才反李本作義呂銳反罽居例

反疏

毛麓所以為罽舍人曰麓所謂毛罽也胡人續羊毛而作衣然則罽者織毛為之若今之毛氈氍毹以

衣馬之帶鞅也

烘燎也注謂燒燎堪燂也注今之三隅竈見詩音義

烘沈

顧火公反郭巨凶反孫音恭字林巨凶甘凶二反燎力

皎反又力召力弔二反燂市針反燂郭音恚字林口頤

反說文云行竈也顧口井烏疏舍人曰烘以火燎也燂

攜二反隅音虞竈則到反疏燂竈也郭云烘謂燒燎

堪今之三隅竈也然則燂者無釜之竈其上燃火謂之烘本為此竈上以然火照物若今之火爐也注云見詩

者小雅白華云樵彼桑薪叩烘于燂是也

陪朝也注陪位為朝音義

陪蒲回反朝直遙反注同疏臣見君曰朝

陪重是陪位為朝也

康苛也注謂苛刻音義

苛音何疏注謂苛刻案苛者毒草

禮記孔子曰苛政猛於虎苛名康者以康安也苛刻者心安之左傳曰州吁阻兵而安忍其類也

樊藩也注謂藩籬音義

樊音煩藩方元反籬力支反疏孫炎曰樊圃

謂藩籬藩以細木為之齊風東方未明云折柳樊圃小雅青蠅云營營青蠅止于榛毛傳云榛所以為藩是也

賦量也注賦稅所以評量音義

量音良一音亮評音病疏謂賦稅也郭云

賦稅所以評量方言云評均賦也燕之北鄙東齊北郊凡相賦歛謂之平均是評量也

糗糧也注今江東通言糗音義

糗音張字林又疏謂糗大庚反糧音良食也

郭云今江東通言糗王制云五十異糗

庶侈也注庶者衆多為奢侈庶幸也注庶幾僥倖音義

侈昌氏反又尸氏反幾音機僥

疏

富庶者多奢侈郭云庶者衆多為奢侈書

曰禄不期侈庶又為幸望郭云庶幾僥倖者求見親御也幸與倖通用之

筑拾也注謂拾掇音義

筑音竹掇丁活疏拾謂拾掇金反說文云拾取滕云凡大木

所假盡起而築之馬融云起其木拾其未

獎馭也注今江東呼大為馭馭猶麤也音義

獎徂朗反秦晉謂大

為獎馭在魯反又子郎反沈集註本作豎音同孫二本並作將且而無獎馭沈集衆本合為一字詩火乎反或

作呼

疏

皆謂大也秦晉謂大為獎郭云今江東呼大為馭馭猶麤也

集會也注

說文云集若羣鳥在林木之上故曰集指事也故經典通謂聚會為集

舫泝也注水中箒筏音義

舫謝音方詩亦作方施甫訪反樊本作坊符方反又音方

泝郭音孚字或作箒同樊本作泝沈音附箒皮佳反本又作簿同筏音伐方言云泝謂之箒箒謂之筏秦晉通

語疏

孫炎曰舫水中為泝筏也郭云水中箒筏方言云泝謂之箒箒謂之筏筏秦晉之通語也周南漢廣

云不可方思論語云乘桴浮于海注云桴編竹木大曰楫小曰桴是也舫方泝桴音義同

洵均也注謂調均洵龕也注未詳音義

洵郭音巡注同謝音荀下句放

此龕苦南反

疏

李巡曰洵徧之均也郭云謂調均大雅桑桑云苑彼桑桑其下侯旬毛傳云旬

字或作含

言陰均也然則洵旬音

義同洵又為龕未詳

逮逕也注今荆楚人皆云逕音義

逮魯代一音大計反逕孫郭徒答反疏

亦謂相及方俗語異爾

郭云今荆楚人皆云逕

是則也注是事可法則疏

是不非也則法效也郭云是事可法則言不非之事乃可

為人

法則

畫形也注畫者為形像音義

畫胡卦反

疏

郭云畫者為形像考工記云畫繪之

事土以黃其象方天時變火以圓山以章水以龍鳥獸地是畫者為形象也

賑富也注謂隱賑富有音義

賑之忍反又之人之日二反字林云富也刃引反

疏

皆豐財也郭云謂隱賑富有

局分也注謂分部音義

局彊六反分疏成十六年左傳符問反注同云離局姦也杜

注云遠其部曲為離局

憐怒也注詩曰天之方憐音義

憐才疏舍人曰憐怒聲計反也注云詩曰天

之方憐者大雅板之文也

僊聲也注謂聲音音義

僊音肩動草聲也郭音與稷契同施私秩反字又作肩

疏

郭云謂聲音言
聲音僊僊然也

葵揆也注詩曰天子揆之揆度也注商度音義

葵求維反揆其

水反度徒疏

轉相解也皆謂商度注詩曰天子揆之者各切注同小雅采芣文也鄘風定之方中云揆之以

日

逮及也疏

亦謂相及也大雅桑桑云莽云不逮

怒飢也注怒然飢意音義

怒本又作悲同奴歷反

疏

李廵曰怒宿不食之飢也

郭云怒然飢意周南汝墳云怒如調飢毛傳云怒飢意也鄭箋釋云怒思也然則怒之為訓本為思耳但飢之

思食意又怒然故又以為飢怒是飢之意非飢之狀故郭及毛傳皆言飢意鄭箋以為思義相接成也

眈重也注謂厚重見左傳音義

眈之

疏

謂厚重注見左傳者隱三年衛

大夫石碯曰夫寵而不驕驕而能降降而不憾憾而能眈者鮮矣杜注云如此者少也降其身則必恨恨則思亂不能自安自重是也

獵虐也注凌獵暴虐疏

獵謂從禽也必暴害於物故云虐郭云凌獵暴虐

土田也注別二名音義

別彼疏列反

別地之二名也白虎通云中央者土土主吐含

萬物土之為言吐也釋名云土田耕者曰田田者填也五稼填滿其中也

戍遏也注戍守所以止寇賊音義

戍式喻反疏遏止也寇苦侯反郭云戍

守所以止寇賊春秋公子買戍衛

師人也注謂人衆疏

師衆也周禮大司馬二千五百人為師故郭云謂人衆

砧翠也注砧然堅固音義

砧苦角反疏謂牢固易文言翠九勇反云確乎其不可

拔又草卦初九云翠用黃牛之草若如此說砧苦學切當從告說文別有砧苦八切石堅也字雖小異其義則同

棄忘也音義

棄丘異反忘音亡

疏

心遺忘小雅谷風云棄我如遺

蹢閑也注囂然閑暇貌音義

囂丘刀反又許嬌反

謀心也注謀慮以心

獻聖也注謚法曰聰明睿智曰獻疏

郭云謚法曰聰明睿智曰獻謚法者

周書篇名也

里邑也注謂邑居疏

謂邑居也論語云里仁為美王制云凡居民量地以制邑

襄除也注詩曰不可襄也音義

襄四羊反疏謂除去也或而羊反注詩曰不

可襄者鄰風墻有茨文也

振古也注詩曰振古如茲猶云久若此疏

言久故也注詩曰振古如

茲猶言久若此者案周頌載芟云匪今斯今振古如茲毛傳云振自也鄭箋云振亦古也言修德行禮莫不獲報乃自古而如此所由來者久非適今時是也

懟怨也音義

懟直類反疏謂怨恨左傳曰以死誰懟

縞介也注縞者繫也介猶閔音義

縞力知反介音界李孫顧舍人本並云縞

羅也介別也閔五代反

疏

郭云縞者繫介猶閔以釋水云縞縵也縵繫者則介閔也

號諄也注今江東皆言諄音義

號戶羔反又胡到反諄火故反又如字又作呼

疏

謂叫諄也小雅賓之初筵云載號載呶郭云今江東皆言諄

凶咎也音義

咎求九反

疏

謂咎惡也通見詩書

苞稹也注今人呼物叢綴者為稹音義

苞補茅反稹謝之忍反郭振真

二音綴直吏反疏曰苞齊人名曰稹唐風鴛羽云集于苞栩毛

傳云苞稹也鄭箋云稹者根相逼近相綴亦謂叢生也

寤寤也注相干寤音義

通五故反孫本吾字作

疏

通謂相干

也寐而覺寤之曰

寤郭云相干寤

題題也注題額也詩曰麟之定音義

題丁按反字又作定注同題徒兮反

麟力疏皆謂額也注詩曰麟之仁反疏定者周南麟之趾文也

猷肯可也注詩曰猷來無棄肯今通言音義

肯苦等反或作古胃

字字林作疏皆肯可也注詩曰猷來無棄者魏風陟岵文胃並同也肯今通言者邶風終風云惠然肯來是也

務侮也注詩曰外禦其務音義

侮亡疏謂輕侮也注詩曰外禦其務小雅常

棣文也

貽遺也注相歸遺音義

貽以之反遺唯季疏謂相歸遺反注同歸巨位反

椒握

貿買也注廣二名音義

貿音茂疏貿市也又為買郭云廣二名詩云抱布貿絲

賄財也音義

賄火罪反疏財帛總名賄周禮冢宰職云商賈阜通貨賄鄭注云布帛曰賄

甲狎也注謂習狎音義

狎乎甲反疏謂習狎也衛風芄蘭云能不我甲左傳曰水懦

弱民狎而玩之

莢騅也莢亂也注詩曰毳衣如莢莢草色如騅在青白

之間音義

莢字又作莢他敢反或待感反騅章誰反如騅馬色也亂五患反毳昌銳反

疏廣異

言也注詩曰毳衣如蒺者王風大車文也毛傳云蒺騶也蒺之初生者也鄭箋云蒺藜也以傳解蒺色未辨草名故定之也郭云蒺草色如騶在青白之間者以釋畜云蒼白雜毛騶故也

粢餐也注今河北人呼食為粢音義

餐七旦反飧謝素昆反說文云飧也

字林云水澆飯也本又作餐疏謂餐食也郭云今河北施七丹反字林作飧云吞食人呼食為粢鄭風緇衣云還予授子之餐兮鄭箋云自館還在米地之都我則設餐以授之愛之欲飲食之

渝變也注謂變易音義

渝音榆舍人作龠同疏謂變易也詩

宜有也注詩曰與子宜之音義

有音疏謂有饌也李巡

注詩曰與子宜之者鄭風女曰雞鳴文也

夷悅也注詩曰我心則夷

疏謂喜悅也注詩曰我心則夷者召南草蟲文

顛頂也注頭上音義

顛丁疏謂頭上也詩田反疏曰有馬白顛

耄老也注八十為耄音義

耄田結反孫他結反云老人面如鐵色

疏

耄鐵也孫

炎曰老人面如鐵色郭云八十為耄詩秦風車鄰云逝者其耄毛傳云八十曰耄易離卦云大耄之嗟鄭注云年踰七十僂九年左傳曰伯舅耄老服虔曰七十曰耄此及詩傳言八十曰耄者耄有七十八十無正文也詩以仕者七十致事仕者慮已之耄欲得早致事故以為八十此用詩傳為說故與之同

輶輕也注詩曰德輶如毛音義

輶由久反疏謂輕微也又餘周反注詩曰德

輶如毛者大雅烝民文

賤淺也注詩曰小戎賤收音義賤慈疎謂淺近注詩曰賤反

風小戎文也

絢絞也注糾絞繩索音義絢徒刀反絞古卯反 疏謂糾

索也李巡曰絢繩之絞也幽七月云宵爾索絢

訛化也注詩曰四國是訛疏匡正之化也注詩曰四國是訛者幽風破斧文

跋躡也注詩曰狼跋其胡囊跲也注詩曰載囊其尾音

義跋蒲末反郭音貝又補葛反躡力輒反狼音郎囊竹利反又得異反又竹季反說文云礙足不行與躡同

跲其業反又居疏李巡曰跋前行曰躡跲卻頓曰囊注業反郭又音甲詩云狼跋其胡載囊其尾者幽風狼

跋文也說文云跋躡丁千切踰竹二切躡即躡也然則跋與躡皆是顛倒之類以跋為躡者謂跋其胡而倒躡耳毛傳云老狼有胡謂頷下垂胡進則躡其胡謂躡胡而前倒也退則踰其尾謂卻頓而倒於尾上也

烝塵也注人衆所以生塵埃音義

烝之仍反
埃音哀

疏

孫炎曰烝物久

之塵小雅南有嘉魚烝然罩罩郭云人衆所以生塵埃

戎相也注相佐助音義

戎如字本或作戕顧如勇反疏沈如升反相如字又息亮反

相如字注同一云相助也息亮切故注云相佐助也

飫私也注宴飫之私音義

飫於疏孫炎曰飫非公朝私庶反飲酒也郭云宴飲之

私小雅常棣云飲酒之飫毛傳云飫私也不脫屣升堂謂之飫鄭箋云私者圖非常之事若議大疑於堂則有

飫禮焉聽朝為公
周語曰王公立飫

孺屬也注謂親屬音義

孺如戌反疏李巡云孺骨肉相屬離欲反疏親屬也常棣云和

樂且孺毛傳云九族會曰和孺屬也鄭箋云屬者昭穆相次序

幕暮也注幕然暮夜音義

幕音莫疏幕然暮夜也

煽熾也熾盛也注互相訓煽義見詩音義

煽音扇熾昌至反疏

轉相解也皆嬖寵熾盛也注煽義見詩者小雅十月之交云艷妻煽方處

抵本也注謂根本音義

抵謝疏謂根本也周禮典瑞云音帝四圭有邸鄭司農云於

中央為璧圭著其四面一玉俱成即引此文云邸本也圭本著於璧故四圭有邸圭本四出故也又曰兩圭有

郎後鄭云僻而同郎皆謂本也祇郎音義同

窈間也注窈窕間隙音義

窈郭徒了反舍人本作跳云跳者躍之間間音閑或如字

窈音杳隙

疏

窈窕間隙也詩周南關雎云窈窕淑女去逆反傳云窈窕幽間鄭箋云幽閒深宮皆謂淑

女所處之宮形狀窈窕然

淪率也注相率使疏

謂相牽率郭云相率使小雅雨無正云無淪胥以鋪

罹毒也注憂思慘毒音義

罹力知反思息疏釋詁云罹更反慘七感反疏憂也郭云

憂思慘毒小雅小弁云我獨于罹

檢同也注模範同等音義

檢李郭居儉疏檢模範也郭反模亡胡反疏云模範同等

說文云
書署也

郵過也注道路所經過音義

郵音尤過古卧反

疏

郵謂郵亭過經過也郭云

道路所經過郊
特牲云郵表嘏

遜遜也注謂逃去音義

遜字又作遁又作遂同徒頓反

疏

謂逃去也春秋莊元年夫

人姜氏孫于齊公羊傳曰孫者何孫猶遜也內諱奔謂之孫穀梁傳曰孫之為言猶孫諱奔也

斃踣也注前覆債僵也注卻僵音義

斃字亦作弊又作樊婢世反又婢設

反郭步計反踣蒲北反又音赴或孚豆蒲侯二反覆芳服反債甫問反僵居良反

疏

前卻顛覆之名也斃

又謂之踣皆前覆也檀弓云射之斃鄭箋云斃仆也然則又為仆債謂之僵皆仰僵也左傳曰鄭伯之車債於

濟

畛殄也注謂殄絕音義

畛之引反又之疏謂殄絕也周人反殄大典反疏謂殄絕也周頌載芟云徂

隰徂畛毛傳云畛場也地官遂人云十夫有溝溝上有畛則畛謂地畔之徑路也至此而易之故以畛為場易則地絕故得為殄

曷盍也注盍何不音義

盍戶獵反疏郭云盍何不也論語曰盍各言爾志

虹潰也注謂潰散音義

虹音洪顧作訖音同李本作降下江反潰乎內反疏潰敗

亂也大雅抑篇云實虹小子召旻蟲賊內訖

階闇也注階然冥貌音義

階字林或作阒同烏感反闇音暗冥莫定反疏謂冥

昧也郭云
階然冥貌

𪚩膠也注膠黏𪚩音義

𪚩字又作敎同女乙反郭音駟膠音交黏女廉反字林云相著

也字書疏膠黏𪚩也方言云𪚩𪚩黏也齊魯云糊也青徐自闕而東或曰𪚩或曰敎

孔甚也厥其也憂禮也注謂常禮音義

夏居八反疏孔甚厥

詩書釋訓云夏常也故郭云謂常禮

闔臺也注城門臺音義

闔丁疏謂城門臺也鄭風云出胡反疏其闔闔毛傳云闔曲城

也闔城臺也

囚拘也注謂拘執音義

拘音俱疏謂拘執也月令云挺重囚左傳曰南冠而縶者

楚囚也繫
則拘執也

攸所也展適也注得自申展皆適意疏

易曰利有攸往
郭云得自申展

皆適
意

鬱氣也注鬱然氣出疏

鬱然氣出也謂
鬱蒸之氣也

宅居也疏

謂居處也大雅文王
有聲云宅是鎬京

休慶也音義

休虛
疏謂嘉慶也商頌
曰何天之休

祈叫也注祈祭者叫呼而請事音義

呼古弔反
疏祈猶
禱也

求也春官太祝掌六祝之辭以祈福
祥求永貞郭云祈祭者叫呼而請事

濬幽深也注濬亦深也哲智也音義

濬音疏舍人曰濬

哲大智也郭云濬亦深也虞書舜典云濬哲文明孔安國云舜有深智言其智之深所知不淺近也

弄玩也疏

謂玩好也小雅斯干云載弄之璋鄭箋云玩以璋者欲其比德焉

尹正也注謂官正也皇匡正也注詩曰四國是皇疏

正長

也郭云謂官正也言為一官之長也周書君陳曰尹茲東郊皇君威之正匡救諫之正孝經云匡救其惡注詩

曰四國是皇者幽風破斧文也

服整也注服御之令齊整音義

整之領反疏謂整治也令力呈反郭云服御

之令齊整周南葛覃云服之無數

聘問也注見穀梁傳疏

問謂存省之對而言之則聘問異周禮大行人云時聘以結諸

侯之好問問以喻諸侯之德又曰凡諸侯之邦交歲相問也殷相聘也聘禮云小聘曰問是異也散而言之皆謂相存省故此云聘問也注見穀梁傳者按隱九年春天王使南季來聘穀梁傳曰南氏姓也季字也聘問也是其事

愧慙也音義

愧九位反疏謂慙恥也小爾雅云不直失本亦作媿節謂之慙慙愧也面慙曰慙

心慙曰慙體慙曰媿方音云悔慙慙也晉曰悔或曰慙秦晉之間凡愧而見上謂之赦梁宋曰慙又云媿慙慙也荆揚青徐之間曰媿若梁益秦晉之間言心內慙矣山之東西自愧曰慙趙魏之間謂之恥○慙音匿媿

音臚慙女六切取音審亦音秘

殛誅也注書曰鯀則殛死音義

殛紀力反疏謂誅責注鯀古本反書曰鯀則

殛死者周書洪範文

克能也翌明也注書曰翌日乃瘳音義

瘳敕留反疏克能通見書傳

注書曰翌日乃瘳周書金縢文

訕訟也注言訕誆音義

訕音凶許容反說文作詢同誆即謹字

疏

多爭訟郭云言

訕誆誆即謹小雅節南山云降此鞠訕

晦冥也奔走也逡退也注外傳曰已復於事而逡音義

冥亡定反逡七旬反傳直戀反下左傳皆同已復韋昭云已畢也復芳福反

疏

冥謂闇冥見公羊傳奔大

走也左傳曰車馳卒奔遂却退也注外傳曰已復於事而遠者齊語管仲對桓公辭也章昭曰已畢也遂伏退也此國語也而謂之外傳者章昭曰左丘明采錄前世穆王以來下訖魯悼智伯之誅邦國成敗嘉言善語陰陽律呂天時人事逆順之數以為國語其文不主於經故號曰外傳也

躓仆也注頓躓倒仆音義

躓都歷反一音致仆音赴躓音致

疏

即前文路與踏

也郭云頓躓倒仆

亞次也諗念也注相思念音義

諗音審相思念也說文式荏反

疏

亞下次也

通見書傳諗者相思念也小雅四牡云將母來諗

屆極也注有所限極音義

屆音戒

疏

有所限極也大雅瞻卬云靡有夷屆

弇同也注詩曰奄有龜蒙弇蓋也注謂覆蓋音義

弇於簡反

音揜覆疏廣異言也注詩曰奄有龜蒙魯頌閟宮文言數救反弇覆同為已有弇又為蓋謂覆蓋也易曰惡

積而不可揜弇揜音義同

恫痛也注詩曰神罔時恫音義

通疏

謂痛傷注詩曰神罔時恫大雅

思齊文王肅云文王之德能上順祖宗安寧百神無失其道無所怨痛

握具也注謂備具音義

握李作幄云居位處之具也郭云謂備具

疏

握持辨具

也郭云謂備具李本作幄釋云居位處之具也秦風權輿云夏屋渠渠鄭箋云屋具也義其同乎

振訊也注振者奮迅音義

訊音信

疏

謂振訊去塵也郭云振者奮迅也曲禮曰

振書
端冊

閱恨也注相怨恨音義

閱呼歷反恨也孫炎作狠疏郭云相狠戾也很音戶懇反

相怨恨孫炎本作很解云相很戾小雅棠棣云兄弟閱于牆毛傳云閱很也很者忿呼之名曲禮曰很無求勝以字形異濫故釋者致殊於義兩解得之

越揚也注謂發揚對遂也注詩曰對揚王休

疏揚謂稱美郭云

謂發揚遂者因事之辭注詩曰對揚王休者大雅江漢文

燬火也注詩曰王室如燬燬齊人語音義

燬音毀季尋云燬一音火

孫炎云方言有輕重故謂火為燬郭云燬齊人語

疏李巡曰燬一名火孫炎曰方言有輕重故謂火為燬

郭云燬齊人語方言云燬火也楚轉語也猶齊言煇火也注詩曰王室如燬者周南汝墳文○燬呼隗切煇音

懈怠也疏

謂情慢也大雅烝民云夙夜匪懈

宣緩也注謂寬緩遇偶也注偶爾相值遇疏

郭云偶爾相值遇春

秋隱八年春宋公衛侯遇于垂穀梁曰不期而會曰遇

曩鄉也注國語曰曩而言戲也音義

曩本亦作曠乃黨反鄉許亮反音向

疏

在今而道既往或曰曩或曰鄉書大傳云鄉之取於國中勇力之取也注國語曰曩而言戲也者案晉語

驪姬與優施謀飲里克酒乃歌曰暇豫之吾吾不如鳥爲人皆集於苑已獨集於枯里克笑曰何謂苑何謂枯

優施曰其母為夫人其子為君可不謂苑乎其母既死其子又有謗可不謂枯乎枯且有傷優施出里克辟莫不餐而寢夜半召優施曰曩而言戲乎抑有所聞之乎是也

惶暇也注詩曰不遑啓處音義

惶音皇遑音皇呼王反或作惶通作皇

疏

謂間暇注詩曰不遑啓處者小雅四牡文

宵夜也音義

宵音消舍人云陽氣消也

疏

舍人曰宵陽氣消也詩云肅肅宵征書曰宵中星虛

懊忼也注謂愛忼愒貪也注謂貪羨音義

懊烏報反忼五館反愒苦

蓋反杜預注左傳云忼愒皆貪也

疏

皆謂愛忼貪羨也昭元年左傳云主民翫歲而愒日杜注云忼愒皆

也貪

揶拄也注相揶拄音義

揶音枝說文作揶拄音注說文作拄皆從木旁疏郭云相揶

拄也說文云揶拄砥古用木今以石字書云拄屋之欹

裁節也竝併也注詩曰竝坐鼓瑟音義

併必頂反疏易泰卦云后以

財成天地之道裁財音義同竝併古今字注詩曰竝坐鼓瑟者秦風車鄰篇文

卒既也注既已音義

卒子忽反疏皆謂盡已也

憎慮也注謂謀慮也音義

憎音囚字書作憎

疏

郭云謂謀慮也字書作憎

將資也注謂資裝疏

行所資也郭云謂資裝

藉紕也注今人呼縫紕衣為藉音義

藉致恥反紕也音扶郭云今人呼紕

衣為黼縫疏謂縫刺也郭云今人呼縫紉衣為黼鄭奉容反注司服云黼黻絺繡為黼謂刺繡也

遞迭也注更迭音義遞音悌他計反一音待結疏李巡反迭待結反音經更音庚遞曰遞

者更迭間廁相代之義
邛柏舟云胡迭而微

矧况也注譬况音義矧詩說文云矧况辭從矢取辭忍反疏如矢也郭云譬况謝氏曰

志譬况是也

廩廩也注或說云即倉廩所未詳音義廩力錦反廩息淺反廣雅云廩

倉也孫炎曰廩藏穀鮮潔也舍人云廩少鮮也郭云或說云即倉廩所未詳疏廣雅云廩倉也則廩廩即

困倉之別名孫炎云廩藏穀鮮潔也舍人云廩少鮮也郭云或說云即倉廩所未詳

逋逃也注亦見禮記音義

逋音疏謂逃也商書太甲云自作孽不可逋注亦

見禮記者案緇衣云子曰小人溺於水君子溺於口大人溺於民皆在其所褻也下云太甲曰天作孽可違也自作孽不可逋

訊言也注相問訊疏

訊問以言也郭云相問訊詩云執訊獲醜

間覲也注左傳謂之謀今之細作也音義

間音諫覲胡典反謀徒協

反杜預注左傳云謀伺疏反間一名覲今之細作也注也說文云軍中反間也左傳謂之謀者案桓十二年

云使伯嘉謀之杜注云謀伺也兵書謂之反間也案說文云謀軍中反間也謂佯為敵國之人入其軍中伺候

間隙以反報其主人鄭注周禮掌戮云謀謂姦寇反間者

沅沅也注水流湍沅音義

沅音云沅胡黨反說文云沅轉流也一日沅湍莫廣反一

音莫郎反大水貌

疏

說文云沅轉流也一日沅郭云水流湍沅湍沅水大貌

干扞也注相扞衛音義

扞戶反疏

郭云相扞衛孫炎曰干盾自蔽扞周南兔置云

公侯干城言公侯以武夫自固為扞蔽如盾為防守如城然

趾足也注足脚跣則也注斷足音義

趾音止跣本亦作跣同扶味反又枝

達反則足曰荆則音月鄭注周禮云斷足也

疏

易云賁其趾趾則足也亦謂之脚跣刑名則斷人刑也呂

刑云荆罰五百孔安國云則足曰荆鄭注司刑云則斷足也周改贖作則跣荆音義同

褰駕也注書曰懷山褰陵疏

謂乘駕也鄭風大叔于田云兩服上褰注書曰懷山

褒陵堯

典文

忝辱也煥煖也注今江東通言煥音義

忝他簞反疏忝煥於六反謂

恥辱也詩曰無忝爾所生煖溫也洪範云哲時煥若郭云今江東通言煥

塊塼也注土塊也外傳曰枕由以塼音義

塊本作由說文云塊俗由

字也由一名疏塊者結土也說文云塊俗由字也由一塼塼字逼反名塼郭云土由也注外傳曰枕由以塼

案吳語吳王夫差既許越成乃大戒師徒將以伐齊申胥進諫曰昔楚靈王不君其臣箴諫不入乃築臺於章

華之上闕為石郭陂漢以象帝舜罷弊楚國以間陳蔡不修方城之內踰諸夏而圖東國三歲於沮汾以服吳越其民不忍飢勞之殃三軍叛王於乾谿王親獨行屏營傍徨於山林之中三日乃見其涓人疇王呼之曰余

不食三日矣疇趨而進王枕其股以寢於地王寢疇枕王以璞而去之王覺而無見乃匍匐將入於棘園棘園不納也乃入芊尹申亥氏焉是其事也說文云璞四角切亦塊也今注云枕由者字之誤也由當作王又外傳作璞郭云以瑁者蓋亦理同或所見本異也

將齊也注謂分齊也詩曰或肆或將音義

齊才細反郭云謂分齊王

肅云分齊其肉所常用也分如字

疏郭云謂分齊也注詩曰或肆或將者小雅楚茨文毛傳云肆陳將齊

也或陳於牙或齊其肉王肅云分齊其肉所常用也

餉餼也注糜也音義

餉戶吳反說文云寄食也餼之然反糜靡為反粥之稠者曰糜疏

郭云糜也下云鬻糜郭云淖糜然則餉餼鬻糜相類之物稠者曰糜淖者曰鬻餉餼是其別名昭七年左傳云

饅於是嚙於
是以餬余口

啓跪也注小跪音義

跪求委反跪渠几反說文云長跪也莊子云擊跪曲拳臣之禮也

疏

謂跪拜也小雅四牡云不遑啓處郭云小跪說文曰跪長跪也莊子云擊跪曲拳臣之禮也

矚密也注謂綴密音義

矚武延反郭云謂綴密綴之待反一音智又音至

疏郭云

謂綴密

開闢也注書曰闢四門音義

闢亦亦作辟婢疏注書曰亦反又甫亦反闢四門

虞書舜
典文

袍襴也注左傳曰重襴衣裘音義

袍包毛反襴古典反本亦作繭綿衣也禮

玉藻云縵為襜褕為袍鄭注云衣有著之別名也重直龍反衣於既反疏玉藻云縵為袍鄭玄云衣有著之異名也縵謂今之新綿縵謂今之縵及舊絮也然則襜是袍之別名謂新綿著袍者也注左傳曰重襜衣裘者魯襄公二十一年傳云楚子使薳子馮為令尹遂以疾辭方暑闕地下水而沐焉重襜衣裘鮮食而寢是也

障眇也注謂壅障音義

障如亮反說文云隔也又界也蔽也亦作鄣眇之忍反田間道

壅於疏

郭云謂壅障一名眇左傳曰封眇土略

覲姑也注面姑然音義

覲他典反舍人云擅也一日面貌也謂自專擅之貌姑戶刮反

又戶括反孫李云覲人面姑然也方言云楚鄭或謂狡獪為姑姑猶獪也凡小兒多詐謂之姑郭注言黠也獪

音古外反
又音夫
疏
郭云面姑然孫炎曰靦人面姑然說文曰靦面見人姑面靦也然則靦與姑皆面見

人之貌詩云
有靦面目

鬻廉也注
淖廉舒緩也注
謂遲緩音義

鬻之六反字林亦作鬻云淖廉

也又與六反淖奴孝反又文卓反字林云濡甚也

疏

郭云謂遲緩詩云舒而脫脫兮

翽翽也注
今之羽葆幢翽翽也注
舞者所以自蔽翽音

義

翽徒刀反又徒報反翽字又作翽徒報反鄭衆云羽葆幢也蔡伯喈云以旄牛尾為之大如斗在左駢馬

輓土所謂黃屋左纛
疏
李巡曰翽舞者所持翽也孫炎曰翽舞者所持羽也郭云今之

羽葆幢鄭司農注鄉師云翽羽葆幢也蔡邕獨斷云以旄牛尾為之大如斗在左駢馬頭上所謂黃屋左纛

又謂之翳郭云舞者所以自蔽翳然則翻又名為翳
翳所以為翳故王風云左執翹毛傳云翹翳也翳也

隍壑也注城池空者為壑音義

壑火各反

疏

隍城池無水者郭云城池空者

為壑易泰卦上

六城復於隍

芼蹇也注謂拔取芼音義

芼莫報反蹇九輦反取也與揅同郭又音騫音義云本又

作毛蹇拔

疏

孫炎曰皆擇芼也某氏曰蹇猶拔也郭云謂拔取芼以蹇是拔之義史記曰斬將蹇

步八反

旗謂拔取敵人之旗也周南關雎云參差荇菜左右芼之故云謂拔取芼毛傳云芼擇亦謂拔芼而擇之也

典經也威則也注威儀可法則疏

周禮太宰之職掌建邦之六典鄭注云典

常也經也法也王謂之禮經常所秉以治天下也邦國官府謂之禮法常所守以為法式也常者其上下通名

郭云威儀可法則詩曰
敬慎威儀維民之則

苛姢也注煩苛者多嫉姢音義

苛胡柯反姢胡計反又胡界反又音害說文云

姢妬疏說文云姢妬也郭云煩苛者多嫉姢言煩苛之人多嫉妬也

芾小也注芾者小貌音義

芾芳味反又方葢反疏芾是木幹及葉之小者也召南

云蔽芾甘棠此比於大木為小也我行其野云蔽芾其樛鄭箋云樛之蔽芾始生謂樛葉之始生形亦小也郭云芾者小貌

迷惑也徂復也注徂怵復為音義

徂汝九反復扶又反注同孫郭云徂怵復

為也李音服云徂能屈申曰復怵石世反疏小雅節南山云俾民不逮謂不惑也徂復習也郭云徂怵復為

孫炎曰狃怵前事復為也說文云狃狎也怵習也鄭風云將叔無狃毛傳云狃習也桓十三年左傳云莫敖狃於蒲騷之役杜注云狃怵也然則狃怵皆貫習之義復亦貫習之意也

逼迫也般還也注左傳曰般馬之聲音義

逼彼力反本又作偏迫音

百般郭音班左傳云役將般矣是也一音蒲安反周易云般桓是也說文云般辟也還音旋或音環疏逼急迫也般還反也注左傳曰般馬之聲者襄十八年晉大夫邢伯告中行伯之辭也

班賦也注謂布與疏

郭云謂布與桓六年左傳云諸侯之大夫戍齊齊人饋之餼使魯為

其班聘禮記云盼肉及廋車班盼音義同左傳曰屬役賦文

濟渡也濟成也濟益也注所以廣異訓各隨事為義音

義濟子細反下疏郭云所以廣異訓各隨事為義方言

同益於亦反

疏

云過渡謂之涉濟彼注云猶今云濟

渡左傳曰濟河焚舟濟又為成左傳曰以欲從人則可
以人從欲鮮濟濟又為增益左傳曰盍請濟師於王

緡綸也注詩曰維絲伊緡緡繩也江東謂之綸音義

緡

中反綸音

疏

孫炎曰皆繩名也郭云緡繩也江東謂之
綸繩音乘綸詩曰維絲伊緡也召南何彼穠矣文

辟歷也注未詳漿盃也注漉漉出涎沫音義

辟婢亦反
一音壁漿

仕其反又呂其反郭音牛齒反又丑之反李云吐沫

疏

漿也盃音鹿漉音鹿涎因延反字林云口液沫音末

李巡云吐沫漿也郭云漉漉出涎沫鄭語云訓語有之

曰夏之衰也衰人之神化為二龍以伺于庭而言曰余

衰之二君夏后卜殺之與去之與止之莫吉卜請

其漿而藏之吉韋昭云漿龍所吐沫龍之精氣也

寬綽也注謂寬裕也音義

綽昌斫反
裕音喻

疏

孫炎云性之裕者郭云謂寬裕

也臯陶謨

云寬而栗

袞黻也注袞衣有黻文音義

袞古本反說文云從衣從公也公羊與反或云從公

衣黻疏

郭云袞衣有黻文小雅采芣云玄袞及黼袞必音弗兼有黼黻詩但言及黼嫌於無黻故此釋之毛

傳云玄袞卷龍也白與黑謂之黼鄭箋云玄袞玄衣而畫以卷龍也黼黻謂締末也諸公之服自袞冕而下

皇華也注釋草曰莖華榮音義

華胡瓜反疏草木之華皇胡光反疏一名皇樊

光引詩云皇皇者華孫炎云皇皇猶煌煌郭云釋草曰皇華榮引之以證皇亦華榮之名

昆後也注謂先後方俗語疏

郭云謂先後方俗語大禹謨云官占惟先蔽志昆命

于元龜

彌終也注終竟也音義

彌亡移反

疏

郭云終竟也大雅生民云誕彌厥月言大矣后

稷之在其母終人道十月而生也

爾雅注疏卷二

爾雅注疏卷二考證

釋言第二○鄭樵曰音發為言一音為一言釋詁者古言也格之以今釋言者今言也格之以正

格懷來也○陸本來作徠

律適述也○鄭樵曰律即聿字

若惠順也○詩魯頌閟宮篇魯侯是若注若順也又萬民是若注順萬民之望也

逸僇過也○鄭樵曰逸縱逸也亦通作佚

荐原再也注易曰水荐至○今作水洊至
屢暱亟也○陸本屢作婁

饋餽稔也○鄭樵曰報蒸曰饋復蒸曰餽

餐饌食也○鄭樵曰饌乾食

滷矜鹹苦也○陸本矜作齡

流覃也覃延也○陸本延作筵

邕支載也○鄭樵曰擁護支持皆載任之義

隱占也○禮少儀軍旅思險隱情以虞

北域也○

臣照

按北與肇同詩商頌玄鳥篇肇域彼四

海箋肇當作北疏言正天下之經界以四海為北域是也郭邢則專以葬地言之

肇敏也○詩大雅江漢篇肇敏戎公用錫爾祉

替廢也替滅也○詩大雅召旻篇胡不自替職兄斯引注替廢也

髦選也髦俊也○

臣照

按詩小雅甫田篇烝我髦士注

管子曰農之子恒為農野處而不暱其秀民之能為

士者必足賴也是選義也大雅思齊篇譽髦斯士注
髦俊也言令此士皆有譽于天下而成其俊乂之美
也是俊義也

凌慄也○鄭樵曰凌埤蒼作掭是

偁舉也注書曰偁爾戈○鄭樵曰偁通稱今書作稱

康苛也○

臣照

按康篆作爾從米莊子逍遙遊塵垢糝

糠郭象注糝糠猶煩碎苛者必煩碎故曰康苛也猶
言糝政也

洵龕也注未詳○龕方言注龕與戡同又與堪同

逮還也○鄭樵曰還猶言還至也

務侮也○鄭樵曰疑侮為敏

臣照

按詩小雅常棣篇外

禦其務國語作外禦其侮鄭樵之疑非也

夷悅也○陸本夷作悞

跋躡也躡踰也○鄭樵曰躡前倒踰後倒

煽熾也熾盛也疏艷妻煽方處○韓詩作閭妻扇方處

漢書谷永傳閭妻驕扇日以不減說文艷妻偏方處

陸本盛作賊

債僵也○鄭樵本僵作强注却僵曰强

祈叫也○石經叫作𠂔

弇同也○鄭樵本無此三字

握具也○鄭樵曰握即屋字是以邢疏引詩夏屋渠渠

并引鄭箋云屋具也

振訊也○鄭樵曰訊當作迅

惶暇也○鄭樵曰惶亦作惶

將資也○詩召南鵲巢篇百兩將之

苛姦也○楚語弭其百苛姦其讒慝路史太古之民與物相友人無姦物之心

般還也○鄭樵曰郭注般馬之聲今左傳作班般班義通班師之班亦其義也

辟歷也注未詳○書君陳篇辟以止辟周禮秋官司寇以八辟麗邦法歷書梓材殺人歷人注歷人者罪人所過

𧈧盞也注漉漉出涎沫○鄭樵曰郭氏云漉漉出涎沫然則盞即漉也集韻盞與漉淥盞通滲也陸本涎作𧈧


寬綽也○

臣照

按詩衛風淇澳篇寬兮綽兮箋綽兮謂

仁于施舍又小雅角弓篇綽綽有裕傳綽綽寬也書無逸篇不寬綽厥心

爾雅注疏卷二考證



覆校官編修臣查瑩

校對官檢討臣龔大萬

謄錄監生臣樊少巨

欽定四庫全書薈要

經部

爾雅注疏卷

三

詳校官主事銜_臣徐以坤



欽定四庫全書薈要卷三千二百七十一

經部

爾雅注疏卷三

晉郭璞注 唐陸德明音義 宋邢昺疏

釋訓第三音義

訓休運反張揖雜字云訓者謂字有意義也案釋詁以下三篇皆釋古今

語方俗之言意義不同故立號

疏

案釋詁云訓道也周禮地官有

亦異至於訓釋墳典其實一焉

土訓誦訓鄭司農注云謂以遠方土地所生異物以告道王也後鄭云玄謂土訓能訓說土地善惡之勢誦訓能訓說四方所誦習及人所作為及時事然則此篇以物之事義形貌告道人也故曰釋訓案此所釋多釋詩文故郭氏即以詩義解之

明明斤斤察也注皆聰明鑒察音義

斤樊居觀反舍人云明明甚明也斤

斤物精詳之察孫云斤斤

疏

舍人曰明明言其明甚孫炎曰明明性理之察也大

雅常武云赫赫明明舍人曰斤斤物精詳之察也孫炎曰斤斤重慎之察也周頌執競云斤斤其明聰明鑒察也

條條秩秩智也注皆智思深長音義

條條舍人本作攸攸沈亦音條秩直

栗反思息嗣反

疏

皆智思深長也小雅賓之初筵云左右秩秩言其威儀審智不失禮也

下文並注同

穆穆肅肅敬也注皆容儀謹敬疏

周頌雖篇云有來雖雖至止肅肅相維辟

公天子穆穆此皆神祭之時容儀敬謹也

諸諸便便辯也注皆言辭辨給音義

便婢疏皆言辭辨
縣反疏給也論語

云便便言小雅采菽云平平左右
毛傳云平平辯治也便平古今字

肅肅翼翼恭也注皆恭敬疏

肅皆恭敬也大雅思齊云肅
肅在廟大明云維此文王

小心翼翼言文王
及羣臣恭敬貌也

靡靡優優和也注皆和樂音義

靡於容反優
音憂樂音洛疏大雅思

雖在宮商頌長發云敷政優
優此皆人君德政和樂也

兢兢愷愷戒也注皆戒慎音義

兢兢音矜愷食
蒸反戒音界疏小雅小

戰兢兢大雅抑篇云子孫繩繩
此皆小心戒慎也繩愷音義同

戰戰蹢蹢動也注皆恐動趨步音義

蹢七羊反恐邱疏

小旻云戰戰兢兢楚茨云濟濟蹢蹢此皆恐動趨步威儀謹敬也

晏晏溫溫柔也注皆和柔疏

衛風氓篇云言笑晏晏大雅抑篇云溫溫恭人此皆

寬緩和柔也

業業翹翹危也注皆懸危音義

業魚怯反郭五谷反翹巨遙反懸音玄疏

大雅召旻云兢兢業業幽風鵩鵩云予室翹翹此皆懸危恐懼也

惴惴僬僬懼也注皆危懼音義

惴之瑞反僬許克反本又作曉音同字林云懼

也案詩云予維秦風黃鳥云惴惴其慄幽風鵩鵩音曉曉是也疏

云予維音曉曉此皆危恐懼也

番番矯矯勇也注皆壯勇之貌音義

番布何反詩云申伯番番矯居兆反

舍人云矯矯得勝之勇也詩云矯矯虎臣

疏

大雅崧高云申伯番番魯頌泮水云矯矯虎臣此皆武夫壯勇

貌之

桓桓烈烈威也注皆嚴猛之貌疏

皆威武嚴猛之貌周頌桓桓云桓桓武王

小雅黍苗云烈烈征師

洸洸赳赳武也注皆果毅之貌音義

洸女皇反舍人本作僨音同赳居黝

反說文云軋勁有才也詩云赳赳武夫

疏

大雅江漢云武夫洸洸周南兔置云赳赳武夫此皆武夫果毅

之貌左傳穀敵為果致果為毅

藹藹濟濟止也注皆賢士盛多之容止音義

藹烏害反
濟咨禮反

疏

大雅卷阿云藹藹王多吉士小雅楚茨云
濟濟蹇蹇此皆王朝賢士盛多之容止也

悠悠洋洋思也注皆憂思音義

悠音由
洋洋音羊
疏鄭風子衿云
悠悠我思邶

風二子乘舟云中心養養此皆想念憂思也
洋洋音義同又中庸云齊明盛服以承祭祀洋洋乎
如在其上如在其左右鄭玄云洋洋人想思其
傍倚之貌

蹶蹶跼蹐也注皆便速敏捷也音義

蹶居衛反
蹐音籍便婢

面反捷才接反 䟽

唐風蟋蟀云良士蹶蹶小雅楚茨云
執爨蹐蹐此皆便速敏捷於事也

薨薨增增衆也注皆衆夥之貌音義

薨虎弘反顧舍人
本作雄雄衆諸仲

反夥戶果反漢書疏周南螽斯云螽斯羽薨薨兮魯頌
云楚人謂多為夥之貌楚人謂多為夥夥
謂多為夥

烝烝遂遂作也注皆物盛興作之貌音義

烝諸仍反作于洛反

疏

皆物盛興作之貌也魯頌泮水云烝烝皇皇

委委佗佗美也注皆佳麗美豔之貌音義

委於危反詩云委委佗佗

如山如河是也諸儒本並作禕於宜反舍人云禕禕者
心之美引詩云亦作禕佗佗本或作佗佗字徒河反顧舍人
引詩釋云禕禕佗佗李巡曰皆容之美也孫炎曰委
如山如河謝羊兒反疏委行之美佗佗長之美詩鄘風
君子偕老云委委佗佗毛傳云委委者行可委曲
蹤迹也佗佗者德平易也是皆佳麗美豔之貌也

忒忒惕惕愛也注詩云心焉惕惕韓詩以為悅人故言

愛也忒忒未詳音義

忒郭徒啓反與愷悌音同顧舍人渠支反李余之反忒忒和適之愛

也惕他

疏

李巡曰忒忒和適之愛也注云心焉惕惕者狄反陳風防有鵲巢文云韓詩以為悅人故言愛

也者燕人韓嬰為詩作傳名曰韓詩以此惕惕為悅人故言愛也

倂倂格格舉也注皆舉持物音義

倂尺仍反本亦作稱同

疏

皆謂舉持

也物

蓁蓁孽孽戴也注皆頭戴物音義

蓁郭側中反又子人反孽魚謁反又五葛

反

疏

周南桃夭云其葉蓁蓁衛風碩人云庶姜孽孽此皆頭帶物婦人盛飾貌

慝慝媿媿安也注皆好人安詳之容音義

慝於占反說文云安靜也

媿徒疏秦風小戎云厭厭良人毛傳云厭厭安靜也孫炎云媿媿行步之安也魏風葛屨云好人媿媿

毛傳云媿媿安諦謂行步安舒而審諦也是皆好人安詳之容也

祁祁遲遲徐也注皆安徐音義

祁巨移反疏

皆安徐也豳風七月云春日遲

遲采繁

祁祁

丕丕簡簡大也注皆多大音義

丕本或作平同普悲反

疏

書立政云以並

受此丕丕基周頌執競云降福簡簡是皆多大之稱

存存萌萌在也注萌萌未見所出音義

萌郭武耕反施云朋反字或作

蘭疏

謂存在也易繫辭云成性存存萌萌
字書作蔥說文作蘭郭云未見所出

懋懋懋懋勉也注皆自勉強音義

懋古茂字懋音暮
亦作慕強其丈反疏

皆出勉強也書曰懋
哉懋哉懋與慕同

庸庸怪怪勞也注皆勛勞也音義

庸音容怪郭疏
皆勛勞也

有功庸者皆勞也小雅巷伯云勞人草草毛傳云草
草勞心也又陳風月出云勞心慙兮慙草音義同

赫赫躍躍迅也注皆盛疾之貌音義

赫赫郭音釋舍人本
作爽失石反說文

云爽盛也謝許格反躍余斫反疏

孫炎云赫赫顯著之
迅大雅常武云赫赫

業業毛傳云赫赫然盛也巧言詩
云躍躍毚兔是皆顯著然疾之貌

綽綽爰爰緩也注皆寬緩也疏

皆寬緩也小雅角弓云綽綽有裕毛傳云綽綽

寬也王風兔爰云有兔爰爰毛傳云爰爰緩意郭云悠悠僂僂丕丕簡簡存存懋懋庸庸綽綽盡重語者言此數字單言之其義亦同但古人有重語者故復出之

坎坎塤塤喜也注皆鼓舞懽喜音義

坎苦感反塤七旬反舍人云舞貌毛

傳同郭云謂鼓舞歡喜也說文云塤士舞也宜從士尊也本或作蹲同

疏皆鼓舞懽喜也小雅伐木云坎

坎鼓我蹲蹲舞我鄭箋云為我擊鼓坎坎然為我興舞蹲蹲然謂以樂樂己也塤塤音義同

瞿瞿休休儉也注皆良士節儉音義

瞿居具反休虛求反又虛蚪反疏

李巡曰皆良士顧禮節之儉也唐風蟋蟀云良士瞿瞿毛傳云瞿瞿然顧禮義也又云良士休休毛傳云休休

樂道之心皆
良士節儉也

旭 旭蹻蹻憍也注皆小人得志憍蹇之貌音義

旭謝許
玉反郭

呼老反蹻郭居天反案詩小雅小子
蹻蹻音巨虐反今依詩讀憍九苗反
云驕人好好鄭箋云好好者喜讒言之人也大雅板篇
云小子蹻蹻毛傳云蹻蹻驕貌是皆小人得志憍蹇之
貌也

夢夢訛訛亂也注皆闇亂音義

夢亡工亡棟二反沈施
亡增反訛之閏之亡二

反或作諄音同顧舍人
云夢夢訛訛煩懣亂也

疏孫炎曰夢夢昏昏之亂也大
雅抑篇云視爾夢夢又曰誨

爾諄諄皆是闇亂
也訛諄音義同

爆爆邈邈悶也注皆煩悶音義

爆本又作暑蒲卓反又布卓反說文云大呼也

自寃也邈

疏

爆爆煩悶也舍人曰藐藐憂悶也大雅抑篇云聽我藐藐毛傳云藐藐然不入也是

皆煩悶之謂也

僂僂洄洄惛也注皆迷惛音義

僂字或作僂孫亡崩亡冰二反洄沈音回郭音

韋音義云本或作惛音韋案字林惛重衣貌于回反惛音昏

疏

皆迷亂惛惑也郭音義云洄本作惛音韋

版版盪盪僻也注皆邪僻音義

版詩作板並如字僻匹亦反邪似嗟反

疏

皆邪僻也李廵曰版版者失道之僻也盪盪者弗思之僻也大雅板篇云上帝板板毛傳云板板反也上帝以稱王者也鄭箋云王為政反先王與天之道又蕩篇云蕩蕩上帝鄭箋云蕩蕩濫度廢壞之貌版板盪蕩音義

同

熒熒炎炎薰也注皆旱熱薰炙人音義

熒郭徒冬反又直忠反炎于廉

反薰本亦作燠或作

疏

皆旱熱之氣薰炙人也

大雅雲

熏許云反炙之石反

漢云蘊隆蟲蟲毛傳云蘊蘊而

暑隆隆而雷蟲蟲而熱又云赫赫炎炎毛傳

云赫赫早氣也炎炎熱氣也熒蟲音義同

居居究究惡也注皆相憎惡音義

究九

疏

李廵曰居居不狎習之惡

孫炎曰究究窮極人之惡唐風羔裘云羔裘豹祛自我人居居又曰自我人究究毛傳云居居懷惡不相親比之貌究究猶居居也是皆相憎惡也

仇仇敖敖傲也注皆傲慢賢者音義

仇音求敖本又作誓又作囂同五高

反傲本或作傲同五報反舍人本傲作毀釋云

疏

小雅正月

仇仇無倫理之貌誓誓衆口毀人之貌李同
云執我仇仇毛傳云仇仇猶誓誓也鄭箋云王既得我
執留我其禮待我誓誓然亦不問我在位之功力言其
有貪賢之名無用賢之實大雅板篇云我即爾謀聽我
翼翼毛傳云猶誓也鄭箋云我就女而謀欲忠告以善
道女反聽我言誓誓然不肯受
是皆傲慢賢者教誓翼翼音義同

仇仇瑣瑣小也注皆才器細陋音義

仇顧音此郭音徒謝音紫舍人云形

容小貌瑣瑣星**疏**皆才器細陋也小雅正月云仇仇彼有
果反亦作瓊屋毛傳云仇仇小也鄭箋云此言小人
富也舍人曰瑣瑣計謀褊淺之貌節南山云
瑣瑣姻亞鄭箋云瑣瑣婚姻妻黨之小人

悄悄慘慘愠也注皆賢人愁恨音義

悄七小反慘七疏感反愠於問反

惛惛怒也皆賢人愁恨也邶風柏舟云憂心悄悄惛惛於羣小毛傳云惛怒也悄悄憂貌李廵曰慘慘憂之惛大雅抑篇云我心慘慘毛傳云慘慘憂不樂也

瘡瘡痠痠病也注皆賢人失志懷憂病也音義

瘡郭古卯反又

古玩反痠羊主反又羊朱反本或作庾

疏

小雅杖杜云四牡瘡瘡毛傳云瘡瘡罷貌又大雅板篇云靡聖

管管毛傳云管管無所依也小雅正月云憂心愈愈毛傳云愈愈憂懼也此皆賢人失志懷憂病也

殷殷惇惇忉忉惇惇欽欽京京忉忉惇惇忉忉奕奕憂

也注此皆作者歌事以詠心憂音義

殷於斤反樊光於謹反惇本或作熒

巨營反忉都勞反惇徒端反施逋莫反郭徂充徂汧二反忉恥忠反惇丁劣反忉彼病反奕音亦

疏

小雅

正月云憂心慙慙毛傳云慙慙然痛也又云憂心惇惇
毛傳云惇惇憂意也檜風羔裘云勞心忉忉然又素冠云勞心
諫不從待放而去思君如是心忉忉然又素冠云勞心
惇惇毛傳云惇惇憂勞也秦風云憂心欽欽毛傳云思
望之心欽欽然小雅正月云憂心京京毛傳云京京
憂不去也召南草蟲云未見君子憂心忉忉毛傳云忉
忉猶銜銜也鄭箋云未見君子者謂在塗時也在塗時
憂憂不當君子無以寧父母故心銜銜然又曰憂心惇
惇毛傳云惇惇憂也小雅頍弁云憂心忉忉毛傳云忉
忉憂盛滿也又云憂心弈弈毛傳云弈弈然無所薄也
此皆作者歌事
以詠心憂也

昀昀田也注言墾辟也音義

昀本或作昀郭音巡沈居
賓反謝蘓旬反字林云均

均田也又羊倫反墾苦很反蒼頡篇
云耕也廣雅云治也辟婢亦反開也
疏謂耕墾開辟土
田昀昀然也小

雅信南山云昀昀原

隰毛傳云墾辟貌

畎畎耜也注言嚴利音義

畎楚力反字或作稷耜音似

疏

舍人曰畎畎耜入地

之貌周頌良耜云畎畎良耜俶載南畝毛傳云畎畎猶測測也鄭箋云良善也農人測測以利善之耜熾菑是南畝也是言耜之嚴利也

郝郝耕也注言土解音義

郝音釋又呼各反解音蟹

疏

謂耕也謂土解散郝郝然

也周頌載芟云其耕澤澤鄭箋云氣烝達而和之則澤澤然解散郝郝澤澤並音釋其義亦同

繹繹生也注言種調音義

繹音亦種之用反

疏

舍人云穀皆生之貌載芟云驛

驛其達也毛傳云達射也鄭箋云達出地也是言其種調勻皆出地而生也驛與繹音義同

穰穰苗也注言茂好也音義

穰郭音遂說文云禾垂之貌

疏

大雅生民云禾

役穰穰毛傳云役列也穰苗好美也是言茂好也

縣縣穰也注言芸耨精音義

縣彌延反穰庶同方遙反耨也字林云耕禾間也左

傳云譬如農夫是穰是藁是也說文

疏

孫炎云縣縣言詳密也載芟云

云穰耨鋤田也芸字亦作耘同音云

縣縣其庶毛傳云庶耘也說文云穰耨鋤田也字林

云穰耕禾間也是言芸耨精也穰庶耘芸音義同

挫挫穫也注刈禾聲栗栗衆也注積聚綴音義

挫郭丁秩反小

爾雅云截穎謂之挫穫戶郭反

疏

孫炎云挫挫穫聲也李巡曰栗栗積聚之

刈魚廢反衆諸仲反綴直吏反

衆也良耜云穫之挫挫積之栗栗毛傳挫挫穫聲也栗衆多也小爾雅云截穎謂之挫故郭云刈禾聲積聚

綴也綴
謂密也

淦淦淦也注洮米聲煇煇丞也注氣出盛音義

淦郭蘓
刀反詩

云淦之淦淦謝所留反淦蘓歷反洮徒刀反洮猶大
淦也煇呂郭並音浮又符彪反詩作浮丞之升反
生民云釋之叟叟丞之浮浮毛傳云釋淦米也叟叟聲
也浮浮氣也鄭箋云釋之丞之以為酒及簋簋之實故
郭云洮米聲氣出盛也淦
叟音異義同煇浮音義同

俅俅服也注謂戴弁服音義

俅音求本亦作綠同
戴丁代反弁音卞

疏周
頌

絲衣云戴弁俅俅毛傳云俅俅恭順貌鄭箋云戴猶戴
也弁爵弁也爵弁而祭於王士服也故郭云謂戴弁服

峨峨祭也注謂執圭璋助祭音義

璋音
章

疏

大雅棫樸云
奉璋峨峨毛

傳云半圭曰璋峨峨威壯也鄭箋云璋璋瓚也祭祀之禮王裸以圭瓚諸臣助之亞裸以璋瓚奉璋之儀峨峨然故郭云執圭璋助祭也

鎗鎗樂也注鐘鼓音義

鎗胡光反樂如字

疏

周頌執競云鐘鼓鎗鎗毛傳云

鎗和也鄭箋云武王既定天下祭祖考之廟奏樂而八音克諧字書云鎗鎗樂之聲也故郭云鐘鼓音鎗鎗

音義

同

穰穰福也注言饒多音義

穰而反疏

執競云降福穰穰衆也鄭箋云神與之福

又衆大謂如嘏辭也是言得福饒多也

子子孫孫引無極也注世世昌盛長無窮音義

引余忍余慎二

反引長疏

子子孫孫小雅楚茨文也引無極者作者所以釋之也舍人曰子孫長行美道引無極也

郭云世世昌
盛長無窮

顓顓印印君之德也注道君人者之德望音義

顓魚恭反印五

剛反郭疏

此道君人之德望也顓顓印印大雅卷阿文也君之德也者作者釋之也詩云顓顓印印

如圭如璋令望毛傳云顓顓溫貌印印威貌鄭箋云令善也王有賢臣與之以禮義相切磋體貌則顓顓然敬順志氣則印印然高朗如玉之圭璋也人聞之則有善聲譽人望之則有善威儀德行相副

丁丁嚶嚶相切直也注丁丁斫木聲嚶嚶兩鳥鳴以喻

朋友切磋相正音義

丁豬耕反嚶烏耕反斫音灼磋七何反

疏

直猶正也小雅伐木

云伐木丁丁鳥鳴嚶嚶鄭箋云昔日未居位在農之時
與友生於山巖伐木為勤苦之事猶以道德相切正也
故郭云丁丁伐木聲嚶嚶兩
鳥鳴以喻朋友切磋相正

藹藹萋萋臣盡力也注梧桐茂賢才衆地極化臣竭忠

唯唯喑喑民協服也注鳳凰應德鳴相和百姓懷附興

頌歌音義

藹於蓋反萋七西反盡苦忍反唯本或作雍又作靡同於恭反喑古諧反應音磨

疏

大雅卷阿云藹藹王多吉士鄭箋云王之朝多善士藹
藹然又云萋萋萋萋雖雖喑喑毛傳云梧桐盛也鳳皇
鳴也臣竭其力則地極其化天下和洽則鳳皇樂德鄭
箋云萋萋萋萋喻君德盛也雖雖喑喑喻民臣和協是
皆臣下盡力民人協服也故郭云梧桐茂賢才衆地
極化臣竭忠鳳皇應德鳴相和百姓懷附興頌歌也

佻佻契契愈遐急也注賦役不均小國困竭賢人憂歎

遠益急切音義

佻徒彫反詩云佻佻獨行歎息也契苦結反詩云契契字又作苦計反愈本或

作俞同瑜庚二音

疏

困竭賢人憂歎遠益急切也小雅

大東云糾糾葛屨可以履霜

佻佻公子行彼周行毛傳

云佻佻獨行貌公子譚公子也鄭箋云葛屨夏屨也周

行周之列位也言時財貨盡雖公子衣屨不能順時乃

夏之葛屨今以履霜送轉餽因見使行周之列位者而

發幣焉言雖困乏猶不得止又云契契寤歎哀我憚人

毛傳云契契憂苦也鄭箋云今譚大夫契契憂苦而寤

歎哀其民人之勞苦是也

之勞苦是也

宴宴粲粲尼居息也注盛飾宴安近處優閑音義

宴宴粲粲尼居息也注盛飾宴安近處優閑音義

宴烏殿烏

顯二反。案七旦反。尼女乙反。謝羊而反。又奴啟反。歸音武。處音杵。閑音間。疏尼近也。謂宴宴也。小雅北山或燕燕居息。毛傳云燕燕安息貌。大東云東人之子。職勞不來。西人之子。粲粲衣服。毛傳云東人諱人也。來勤也。西人京師人也。粲粲鮮盛也。鄭箋云職主也。東人勞苦而不見。謂勤京師人衣服鮮潔而逸豫言王政偏甚也。

哀哀悽悽懷報德也。注悲苦征役思所生也。音義

悽郭本或

作妻同。古今反。苦如字。又立故。反思息嗣反。郭音如字。

疏

懷思也。悲苦征役思報父母之德也。小雅蓼莪

云哀哀父母。生我劬勞。鄭箋云哀哀者恨不得終養。父母報其生長已之苦。郭音云悽本或作妻。出車云赫赫南仲。薄伐西戎。春日遲遲。卉木萋萋。是也。言以此征役故思所生也。所生謂父母。

儵儵嚙嚙罹禍毒也注倬王道穢塞羨蟬鳴自得傷已

失所遭讒賊音義

儵郭徒的反顧舒育反樊本作攸引詩云攸攸我思嚙虎患反罹力支反

倬音盜疏罹遭也小雅小弁云踧踧周道鞠為茂草毛

己音紀疏傳云踧踧平易也周道周室之通道鞠窮也

鄭箋云此喻幽王信褒姒之讒亂其德政使不通於四

方又曰蕘彼柳斯鳴蜩嚙嚙毛傳云蜩蟬也嚙嚙聲也

鄭箋云柳木茂盛則多蟬案詩序云小弁刺幽王也太

子之傳作烏毛傳云幽王取申女生太子宜臼又悅褒

姒生子伯服立以為后而放宜臼將殺之故郭云倬王

道穢塞羨蟬鳴自得傷已失所遭讒賊儵踧並音狄

晏晏旦旦悔爽忒也注傷見絕棄恨士失也音義

旦本或作

忌同都歎反

疏

悔恨也爽忒差失也皆婦人恨夫棄已而行差失也衛風氓篇云總角之宴言

忒佗得反

笑晏晏信誓旦旦毛傳云總角結髮也晏晏和柔也信
誓旦旦然鄭箋云我為童女未笄結髮晏然之時女與
我言笑晏晏然而和柔我其以信相誓旦旦耳言其懇
惻款誠案詩序云恨刺時也宣王之時禮義消亡淫風
大行男女無別遂相奔誘華落色衰復相棄背或乃困
而自悔喪其妃耦故序其事以風焉故鄭云傷見絕棄
恨士失也

臯臯瑁刺素食也注譏無功德尸寵祿也音義

臯古豪反

樊本作浩古老反瑁胡犬古犬
二反刺字又作諫同七賜反

疏

素空也刺無德而空
食其祿也舍人曰臯

臯不治之貌大雅召旻云臯臯訛訛曾不知其玷毛傳
云臯臯頑不知其道也鄭箋云玷缺也王政已大壞小
人在位曾不知大道之缺某氏云韜韜無德而佩小雅
大東云韜韜佩璲不以其長毛傳云韜韜玉貌璲瑞也

鄭箋云佩璲者以瑞玉為佩佩之鞞鞞然居其官職非其才之所長也徒美其佩而無其德刺其素餐是也郭云譏無功德尸寵祿也者案鄭注禮記云尸謂不知人事無辭讓也以其尸皆神象居位不言但受祭享小人在位亦無言而受寵祿有似於尸故云尸寵祿也瑁鞞音義同

懽懽懽懽憂無告也注賢者憂懼無所訴也音義

懽懽玩反

懽音遙本又作搖樊本作遙又作恍恍與懽同訓也書云懽懽憂無告也廣雅云搖亂也告如字又古毒反訴音疏謂賢者憂懼無所告訴也大雅板篇云老夫灌灌素疏毛傳云灌灌猶款款也鄭箋云老夫諫女款款然王風云中心搖搖毛傳云搖搖憂無所慰灌灌懽懽音義同

憲憲洩洩制灋則也注佐興虐政設教令也音義

洩余誓反

或作疏李巡曰皆惡黨為制濫則也孫炎曰厲王方虐
噪同疏諂目並為制作濫令大雅板篇云天之方難無
然憲憲天之方蹶無然泄泄毛傳云憲憲猶欣欣也蹶
動也泄泄猶皆也鄭箋云天斥王也王方欲艱難天
下之民又方變更先王之道臣乎女無憲憲然無皆皆
然為之制濫度違其意以成其惡皆是佐興虐政設教
也

詭詭諂諂崇讒慝也注樂禍助虐增譖惡也音義

詭虛
虐反

諂郭虛各反或火角反慝謝切得反諸儒並女陟
反言隱匿其情以飾非樂如字又音洛譖側禁反
也讒也慝惡也舍人曰詭詭諂諂皆盛烈貌孫炎曰厲
王暴虐大臣詭詭諂諂然盛以興讒惡也大雅板篇云
天之方虐無然詭詭毛傳云詭詭然喜樂鄭箋云王方
為酷虐之政女無詭詭然以讒慝助之又曰多將煊煊

不可救藥毛傳云煇煇然熾盛也鄭箋云多行煇煇慘毒之惡誰能止其禍是也諄煇音義同

翕翕訛訛莫供職也注賢者陵替姦黨熾背公卹私曠

職事音義

訛子爾反字林云不思稱乎上之意供音恭熾尺志反背音佩疏言賢者陵

盛背公卹私曠其職事無背供職也小雅小旻云滄滄訛訛亦孔之哀毛傳云滄滄然患其上訛訛然思不稱乎上鄭箋云臣不事君亂之階也甚可哀也又大雅召旻云臯臯訛訛毛傳云訛訛寤不共事也故郭云賢者陵替姦黨熾盛背公卹私曠職事說文云寤嬾也草木皆自監立惟爪瓠之屬卧而不起似若嬾人常卧室故字從穴

音眠

速速蹙蹙惟速鞠也注陋人專祿國侵削賢士求哀念

窮迫音義

慶子六反述巨鳩反郭云迫也字林云

疏

惟念

也速急迫也鞠窮也言鄙陋小人專據爵祿國土侵削致賢士求哀念其窮迫也小雅正月云穀穀方有穀毛傳云穀穀陋也鄭箋云穀祿也此言小人富而窶陋將貴也又節南山云蹙蹙靡所騁毛傳云騁極也鄭箋云蹙蹙小之貌我視四方土地日見侵削於夷狄蹙蹙然雖欲馳騁無所之也速穀音義同

抑抑密也注威儀審諦秩秩清也注德音清冷音義

抑音

億諦音帝秩直疏言威儀審諦德音清冷也舍人曰威乙反冷即丁反儀密靜也大雅假樂云威儀抑抑德音秩秩鄭箋云成王立朝之威儀致密無所失教令又清明天下皆樂仰之

粵各掣曳也注謂牽挽音義

粵普經反各孚逢反掣本或作摩同充世反說文云

引而縱之疏孫炎曰謂相掣曳入於惡也郭云謂牽挽曳餘世反周頌小毖嗣王求助也云莫予葑蜂毛傳云葑蜂摩曳也鄭箋云羣臣小人無敢我摩曳謂為譎詐欺不可信也然則掣曳者從旁牽挽之言是挽離正道使就邪僻葑粦峯掣摩音義同

朔北方也注謂幽朔音義

朔所角反

疏

舍人曰朔盡也北方萬物盡故言朔也李

超曰萬物盡於北方小雅出車云城彼朔方毛傳云朔方北方也但北方大名皆言朔方堯典云宅朔方郭云

謂幽朔

不俟不來也注不可待是不復來音義

來本或作俛連同力胎反復如

字疏

俟待也既云不待是不來也郭云不可待是不復來

不遁不蹟也注言不循軌跡也音義

遁古迷字一音聿蹟子亦反詩云念

彼不蹟傳云不循道也循音巡疏遁循也蹟軌迹也謂不循道者曰不蹟郭云言不循軌迹也小雅汚彼云

念彼不蹟毛傳云不蹟不行道也是矣

不徹不道也注徹亦道也音義

徹直列反疏小雅十月云天

徹道也鄭箋云不道者言王不循天之政教是也

勿念勿忘也注勿念念也音義

忘音亡下同疏勿念念也念即不忘也若

大雅文王篇云無念爾祖是也

爰諼忘也注義見伯兮考槃詩音義

爰施音袁謝許袁反郭云義見伯兮

詩云焉得萋草毛傳云萋草令人善忘則
謝讀為是謗許爰反槃步干反本又作盤
毛傳云謗草令人忘憂又考槃云永
矢弗謗是也伯兮篇本或作萋草

每有雖也注詩曰每有良朋辭之雖也疏

小雅棠棣云每有良朋况

也永歎毛傳云况茲永長也箋云每有雖也良善也當
急難之時雖有善同門來茲對之長嘆而已郭云辭之
雖也者言為語辭
之雖無佗義也

饔酒食也注猶今云饔饌皆一語而兼通音義

饔尺志反字林

云熟食也又充之反舍人本又
作喜釋云古曰饔饌乳戀反

疏

小雅天保云吉蠲為饔毛傳云吉善蠲絜

也饔酒食也郭云猶今云饔饌皆一語而兼通者言
饔之一字通酒食兩名也李巡曰得酒食則喜歡也

舞號雩也注雩之祭舞者吁嗟而請雨音義

號戶高反
孫炎云雩

之祭有舞有號雩音

疏

孫炎云雩之祭有舞有號左傳云龍見而雩服杜皆云雩之言

遠也遠為百穀祈膏雨月令仲夏云大雩帝鄭注云雩吁嗟求雨之祭也郭云雩之祭舞者吁嗟而請雨是同

鄭說也

暨不及也注公羊傳曰及我欲之暨不得已暨不得已

是不得及音義

暨其器反
己音以

疏

案春秋隱元年三月公及邾婁儀父盟于昧公羊傳

曰及者何與也會及暨皆與也曷為或言會或言及或言暨會猶最也及猶汲汲也暨猶暨暨也及我欲之暨不得已也然則暨者非我欲之事不獲已而為會者也故云不及也

蠢不遜也注蠢動為惡不謙遜也音義

蠢昌疏

先反

蠢動也

言蠢動為惡不謙遜也小雅采芑蠢爾蠻荆大邦為讐是也

如切如磋道學也注骨象湏切磋而為器人湏學問以

成德如琢如磨自脩也注玉石之被琢磨猶人自脩飾

瑟兮僩兮恂慄也注恒戰竦赫兮咺兮威儀也注貌光

宣有斐君子終不可諼兮注斐文貌道盛德至善民之

不能忘也注常思詠音義

碾七何反琢丁角反治玉也本或作琢非也僩本或作攔

同下板反郭音簡恂音荀郭音峻鄭立注禮記同云謂嚴慄也謝私尹反慄音栗赫火格反烜吁遠反烜者光

明宣著今並作咍
字音同斐孚尾反

疏

此舉衛風淇澳篇文以釋之也云
如切如磋者詩文也云道學也者

作者以釋詩也道言也言人之學以成德如切如磋骨
象以成器毛傳云治骨曰切象曰磋道其學而成也故

郭云骨象湏切磋而為器人湏學問以成德云如琢如
磨者詩文也云自脩也者釋之也言人自脩飾如琢磨

玉石毛傳云治玉曰琢石曰磨聽其規諫以自脩如玉
石之見琢磨郭云玉石之被雕琢猶人自脩飾云瑟兮

惺兮者詩文也惺惺也者釋之也謂嚴惇戰慄也故郭
云恒戰疎毛傳云瑟矜莊貌惺惺寬大貌是外貌莊嚴又

內寬裕也云赫兮咍兮者詩文也威儀也者釋之也言
赫咍者容儀發揚之貌言威儀也毛傳云赫有明德赫

赫然咍威儀容止宣著也故郭云貌光宣云有斐君子
終不可諉兮者詩文也云道威德至善民之不能忘也

者釋之也毛傳云斐文章貌諉忘也此道有斐然文章
之君子威德至善如此故民稱之常思詠終不能忘也

案詩稱君

子謂武公

既微且尫 胛瘍為微 腫足為尫 注胛脚脛瘍創也 音義

微如字 書作微 三蒼云足創尫本或作尫同 並稻文 瘡

字也 蜀勇時踵二反 胛下諫反 郭作扞 音古 案反謂脚

脛也 瘍音羊 腫之勇反 疏云既微且尫者小雅巧言文

脛戶定反 創初良反 疏云胛瘍為微 腫足為尫者

釋之也 孫炎曰皆水濕之疾也 郭云胛脚脛也 瘍創也

然則膝之下有瘡腫是涉水所為 故鄭箋亦云此人居

下濕之地 故生微尫之疾 詩

云居河之麋是居下濕也

是刈是穫 穫煮之也 注煮葛為絺 綌音義 刈音入 穫又

反煮之與反絺丑 疏云是刈是穫者 周南葛覃文也 云

尼反 綌去逆反 疏 穫煮之也者 釋之也 舍人曰是刈

川取之是獲煮治之郭云煮葛為絺綌以煮之於獲故
曰獲煮非訓獲為煮以彼下云為絺為綌故知煮葛為
絺綌也毛傳云
精曰絺粗曰綌

履帝武敏武迹也敏拇也注拇迹大指處音義

敏如字
舍人本

作畝釋云古者姜嫄履天帝之迹於畝畝
之中而生后稷拇音畝足大指處昌慮反
疏云履帝武
生民文也云武迹也敏拇也者釋之也郭云拇迹大指
處鄭箋詩云祀郊禘之時時則有大神之迹姜嫄履之
足不能滿履其拇指之處於是
遂有身而生后稷是其事也

張仲孝友注周宣王時賢臣善父母為孝善兄弟為友

疏

云張仲孝友者小雅六月文也云善父母為孝善兄
弟為友者釋之也李巡云張仲字其人孝故稱孝友

毛傳云張仲賢臣也鄭箋云張仲吉甫之友其性孝友以詩序云六月宣王北伐也故郭云周宣王時賢臣

有客宿宿言再宿也有客信信言四宿也注再宿為信

重言之故知四宿音義

宿先六反重直用反

疏

云有客宿宿有客信信者周頌有客

文也云言再宿也言四宿也者釋之也毛傳云一宿曰宿再宿曰信各重言之故知再宿及四宿也

美女為媛注所以結好媛音義

媛為眷反好呼報反

疏

詩鄘風君

展如之人兮邦之媛也故此釋之郭云所以結好媛孫炎曰君子之援助然則由有美可以援助君子故云美

女為媛

美士為彥注人所彥詠音義

彥音

疏

鄭風羔裘云彼其之子邦之彥兮故

此釋之也毛傳云彥士之美稱郭云人所彥詠舍人曰國有美士為人所言道

其虛其徐威儀容止也注雍容都雅之貌疏

云其虛其徐廊風北

風文也威儀容止也者釋之也郭云雍容都雅之貌孫炎云虛徐威儀謙退也然則虛徐者謙虛閑徐之義故鄭箋云威儀虛徐寬仁者也詩作其邪此作其徐字雖異音實同故鄭箋云邪讀如徐

猗嗟名兮目上為名注眉眼之間音義

猗於宜反眼五限反或作目

疏

云猗嗟名兮者齊風猗嗟文也云目上為名者釋之也孫炎云目上平博郭云眉眼之間

式微式微者微乎微者也注言至微疏

云式微式微者邶風式微文也

云微乎微也者釋之也郭云言至微鄭箋云式發聲也案詩序云式微黎侯寓於衛其臣勸以歸也然則以君

被逐既微又見卑賤是至微也
不取式為義故鄭云發聲也

之子者是子也注斥所詠音義

尺斤音

疏

詩言之子者多矣故此釋之李

廵云之子者論五方之言是子也然則之為語助人言之子者猶云是此子也
桃夭傳云之子彼說嫁事為嫁者之子漢廣之子則貞潔者之子東山之子言其妻白華之子斥幽王各隨其事而名之故郭云斥所詠

徒御不驚輦者也注步挽輦車音義

挽本亦作輓同亡遠反聲類云引也

車音疏

云徒御不驚者小雅車攻文也云輦者也者釋居也此上解徒字也諸徒皆為徒行此獨為輦是

以辨之地官鄉師云大軍旅會同治其輦注云輦人輓行所以載任器也止以為蕃營司馬澹輦有一斧一斤一鑿一桎周輦加二板二築夏后氏二十人而輦殷十八人而輦周十五人而輦是會同田獵人輓輦以徒行

也故郭云
步挽輦車

禮裼肉袒也注脫衣而見體暴虎徒搏也注空手執也

音義

禮本或作袒同徒坦徒丹二反下同裼蘓歷反脫
佗活反見賢遍反暴步報反搏連莫反郭音付

䟽

鄭風大叔于田云禮裼暴虎故此釋之毛傳云禮裼
肉袒也李巡曰禮裼脫衣見體曰肉袒孫炎曰袒去

裼衣郭云脫衣而見體毛傳又云暴虎空手以搏之舍
人曰無兵空手搏之然則徒空也故郭云空手執也

馮河徒涉也注無舟楫音義

馮字又作憑皮冰反依字
當作憑說文云無船渡河

楫本或作楫又作接同子葉才入二反方言曰楫橈也
說文云楫舟棹也釋名曰在旁撥水曰櫂又謂之楫楫
捷疏小雅小旻云不敢馮河故此釋之也李巡曰無舟
也疏而渡水曰徒涉郭云無舟楫毛傳云馮陵也然則

空涉水陵波而渡
故訓馮為陵也

籛蔭口柔也注籛蔭之疾不能俯口柔之人視人顏色

常亦不伏因以名云戚施面柔也注戚施之疾不能仰

面柔之人常俯似之亦以名云音義籛本或作籛同巨居反蔭直閭反戚

七歷反施

疏

邶風新臺云籛蔭不鮮又曰得此戚施故此釋之也毛傳云籛蔭不能俯者戚施不

能仰者李巡曰籛蔭巧言好辭以饒人是謂口柔戚施和顏悅色以誘人是謂面柔但籛蔭戚施本人疾之名

故晉語云籛蔭不可使俯戚施不可使仰是也人口柔者必仰面觀人顏色而為辭似籛蔭不俯之人因名口

柔者為籛蔭面柔者必低首下人媚以容色似戚施不仰之人因名面柔者為戚施故郭云籛蔭之疾不能俯

口柔之人視人顏色常亦不伏戚施之人不能仰面柔之人常俯似之因以名云

夸毗體柔也注屈已卑身以柔順人也音義

夸苦瓜反毗鼻以反

舍人曰卑身屈已也樊引詩云無為夸毗李孫郭云屈已卑身以柔順人也字書作𡗗𡗗已音紀板篇云無為夸毗故此釋之也毛傳云夸毗以體柔人也李巡曰屈已卑身求得於人曰體柔然則夸毗者便辟其兄前却為恭以形體順從于人故郭云屈已卑身以柔順人也

婆婆舞也注舞者之容音義

婆素河反

䟽陳風東門之枌云婆婆其下故此釋

之李巡曰婆婆盤辟舞也郭云舞者之容孫炎曰舞者之容婆婆然則婆婆舞者之狀貌也

擗拊心也注謂椎胸也音義

擗婢亦反拊本亦作撫同芳武反椎本或作搥同直

追反字林云

䟽

邶風栢舟云寤擗有標擗擊也音山謂拊心也郭云謂椎背也

矜憐撫掩之也注撫掩猶撫拍謂慰卹也音義

矜几陵反憐力

堅反拍

䟽

撫掩猶撫拍謂慰卹也普伯反小雅鴻鴈云爰及矜人

絨羔裘之縫也注縫飾羔皮之名音義

絨許域反又音域縫扶用反

䟽

召南羔裘云羔羊之草素絲五絨故此解之也孫炎云絨之為界絨然則縫合羔羊皮為裘縫即皮之界

絨因名裘縫為絨故

郭云縫飾羔皮之名

殿屎呻也注呻吟之聲音義

殿丁練反屎厓伊反或作敔吹又作慄脈說文作唵

呬郭上音香惟反又音丁念反下許利反呻音申

䟽

大雅板篇云民之方殿屎毛傳云殿屎呻吟也是用

此爲說郭云呻吟之聲孫炎云人愁苦呻吟之聲也

幬謂之帳注今江東亦謂帳爲幬音義

幬本或作幬同直留反帳陟亮

反

疏

帳一名幬召南小星云抱衾與裯鄭箋云幬牀帳也郭云今江東亦謂帳爲幬幬與裯音義同

佻張誑也注書曰無或佻張爲幻幻惑欺誑人者音義

佻本或作倜同張留反

疏

陳風防有鵲巢云誰佻予美毛傳云佻張誑也鄭箋云女

誑俱放反幻胡辨反

衆譏人誰佻張誑欺我所美之人乎注云書曰無或佻張爲幻者周書無逸篇文也引之者以證佻張謂幻惑

欺誑人者

誰昔昔也注誰發語辭疏

陳風墓門云誰昔然矣毛傳云昔久也郭云誰發語辭與

也毛同

不辰不時也注辰亦時也疏

辰亦時也不辰者言不得其時也大雅桑柔云我生

不辰逢天憚怒是也

凡曲者為留注毛傳曰留曲梁也凡以薄為魚笱者名

為留音義

留本或作𠬪同力九反薄笱音苟疏曲薄也凡以薄

毛傳曰留曲梁也者小雅魚麗篇傳文也云凡以薄為魚笱者名為留者即釋器云嫠婦之笱謂之留也

鬼之為言歸也注尸子曰古者謂死人為歸人疏

人死為鬼

小雅何人斯云為鬼為蜮周禮曰享大鬼謂之鬼者鬼猶歸也若歸去然故尸子曰古者謂死人為歸人

釋親第四音義

說文云親至也蒼頡篇云親愛也近也禮記云親親以三為五以五為九

尚書云以親九族親者疏案禮記大傳云聖人南面通謂五服九族之親也聽天下所最先者五民不與焉一曰治親蒼頡曰親愛也近也然則親者恩愛狎近不疏遠之稱也書曰克明峻德以親九族喪服小記曰親親以三為五以五為九上殺下殺旁殺而親畢矣以九族之親其名謂非一此篇釋之故曰釋親

父為考母為妣注禮記曰生曰父母妻死曰考妣嬪今

世學者從之案尚書曰大傷厥考心事厥考厥長聰聽祖考之彞訓如喪考妣公羊傳曰惠公者何隱之考也

仲子者何桓之母也倉頡篇曰考妣延年書曰嬪於虞
詩曰聿嬪于京周禮有九嬪之官明此非死生之異稱
矣其義猶今謂兄為舅妹為媢即是此例也父之考為
王父父之妣為王母注加王者尊之王父之考為曾祖
王父王父之妣為曾祖王母注曾猶重也曾祖王父之
考為高祖王父曾祖王父之妣為高祖王母注高者言
最在上父之世父叔父為從祖祖父父之世母叔母為
從祖祖母注從祖而別世統異故父之舅舅先生為世

父後生為叔父注世有為嫡者嗣世統故也男子先生
為兄後生為弟男子謂女子先生為姊後生為妹父之
姊妹為姑父之從父兄弟為從祖父父之從祖兄弟為
族父族父之子相謂為族兄弟族兄弟之子相謂為親
同姓注同姓之親無服屬兄之子弟之子相謂為從父
兄弟注從父而別子之子為孫注孫猶後也孫之子為
曾孫注曾猶重也曾孫之子為玄孫注玄者言親屬微
昧也玄孫之子為來孫注言有往來之親來孫之子為

弟孫注 弟後也汲冢竹書曰不窋之弟孫 弟孫之子為
仍孫注 仍亦重也仍孫之子為雲孫注 言輕遠如浮雲
王父之姊妹為王姑曾祖王父之姊妹為曾祖王姑高
祖王父之姊妹為高祖王姑父之從父姊妹為從祖姑
父之從祖姊妹為族祖姑父之從父兄弟之母為從祖
王母父之從祖兄弟之母為族祖王母父之兄妻為世
母父之弟妻為叔母父之從父兄弟之妻為從祖母父
之從祖兄弟之妻為族祖母父之從祖祖父為族曾王

父父之從祖祖母為族曾王母父之妾為庶母祖王父

也舅兄也注今江東人通言舅音義

妣必里反嬪毗真反長丁丈反下皆

同葬音夷喪息浪反又如字頤戶結反稱尺證反弟音

昆本亦作昆下同媚于貴反廣雅云媚妹也說文云楚

人謂女弟為媚纂文云河南人云妹媚也重直龍反下

皆同別彼列反又如字下皆同嫡丁歷反來音徠汲居

及反冢竹奉反窰丁律反疏此別同宗親族白虎通曰

又丁滑反不窰后稷之子父矩也以度教子也又為

考考成也言有成德廣雅云母牧也言育養子也又為

妣妣婉也婉匹於父廣雅又云兄況也況於父又謂之

舅弟悌也言順於兄子孜也以孝事父常孜孜也孫順

也順於祖男任家事也女如也白虎通曰言如人也徐

鍇曰女子從父之教從夫之命故曰如姑故也言尊如

故也又謂之威徐鍇曰土盛於成土陰之主也故字從

戊漢律曰婦告戚姑是也婦咨也以其先生言可咨問
說文云妹女弟也又謂之媚妾接也鄭注禮記云聞彼
有禮走而往焉以得接見於君子也庶母者父之妾也
此皆同宗之族也白虎通云宗者何謂也宗有尊也為
先祖主也宗人之所尊也禮曰宗人將有事族人皆待
侍侍所以必有宗何也所以長和睦也族者何也族者
湊也聚也謂恩愛相流湊生相親愛死相哀痛有會聚
之道故謂之族也注云禮記曰生曰父母妻死曰考妣
嬪者曲禮下篇文也云今世學者從之者謂從禮記以
父母妻為生之稱以考妣嬪為死之稱彼乃記者一家
之說爾學者膠注遂為生死定稱非也故郭氏引諸文
以證之云尚書曰大傷厥考心康誥文也云事厥考厥
長聰聽祖考之彝訓者皆酒誥文也云如喪考妣者舜
典文也此皆生稱考妣也云公羊傳曰惠公者何隱之
考也仲子者何桓之母也者隱元年傳文也此即死稱
母也云蒼頡篇曰考妣延年者此亦生稱考妣也云書

曰嬪于虞者堯典文也云詩曰聿嬪于京大雅大明篇
文也云周禮有九嬪之官者屬天官掌婦學之法者也
此皆生稱嬪者也云明此非生死之異稱矣者所以破
先儒之說也云其義猶今謂兄為弟妹謂媚即是此例
也者舉類以曉人也云從祖而別世統異故者解所以
稱從之理也從祖而別繼世分宗其統各異故曰從祖
別世有為嫡者嗣世統故也者解所以稱世之義也繼
世以嫡長先生於父則繼世者也故曰世父說文叔作
亦許慎曰從上小言尊行之小也云同姓之親無服屬
者禮記大傳云親者屬也鄭注云有親者服各以其屬
親疏此經言親同姓者謂五世之外比諸同姓猶親但
無服屬爾云孫猶後也言繼後嗣也廣雅云孫順也許
慎云從子從系系續也言順續也言順續先祖之後也
云玄者言親屬微昧也又玄者緼緇之間色色之微昧
者也親屬微昧故曰玄孫云弟後也汲冢竹書曰不密
之弟孫弟後也釋言文來哲傳曰太康元年汲郡民盜

發魏安釐王塚得竹書漆字科斗文科斗文者周時古文也其字頭麤尾細似科斗之蟲故俗名之焉不密后稷之子也弟孫謂毀隄也

宗族

母之考為外王父母之妣為外王母母之王考為外曾王父母之王妣為外曾王母注異姓故言外母之舅舅為舅母之從父舅舅為從舅母之姊妹為從母從母之男子為從母舅舅其女子子為從母姊妹音義後才用反下注

娣從同疏

此一節別母之族黨也黨是鄉之細也此外族屬母若黨之屬鄉故云母黨云舅者孫炎

云舅之言舊尊長之稱詩秦風
云我送舅氏曰至渭陽是也

母黨

妻之父為外舅妻之母為外姑注謂我舅者吾謂之甥
然則亦宜呼婚為甥孟子曰帝館甥于貳室是也姑之
子為甥舅之子為甥妻之舅弟為甥姊妹之夫為甥注
四人體敵故更相為甥甥猶生也今人相呼蓋依此妻
之姊妹同出為姨注同出謂俱已嫁詩曰邢侯之姨女
子謂姊妹之夫為私注詩曰譚公維私男子謂姊妹之

子為出注公羊傳曰蓋舅出女子謂弟弟之子為姪注

左傳曰姪其從姑謂出之子為離孫謂姪之子為歸孫

女子子之子為外孫女子同出謂先生為姒後生為娣

注同出謂俱嫁事一夫公羊傳曰諸侯娶一國二國往

媵之以姪娣從娣者何弟也此即其義也女子謂兄之

妻為嫂弟之妻為婦注猶今言新婦是也長婦謂稚婦

為娣婦娣婦謂長婦為姒婦注今相呼先後或云妯娌

音義

甥音生壻音細館古半反更音庚譚大南反姪大
結反字林云兄女又丈乙反姒音似娣大計反娶

七具反勝以證反嫂素早反稚直吏反先蕪練反後胡
遘反廣雅云先後妯娌韋昭云先謂如後謂娣妯音逐
娒音里廣雅云先後也郭注方言

疏

此一節別妻之親
黨也內則曰聘則

為妻白虎通云妻者齊也與夫齊體自天子下至庶人
其義一也注孟子云舜尚見帝帝館甥于貳室亦饗舜
迭為賓主是天子而友匹夫也彼注云尚上也舜在畎
畝之時堯友禮之舜上見堯舍之於貳室貳室副宮也
堯亦就饗舜之所設更迭為賓主禮記妻父曰外舅謂
我舅者吾謂之甥堯以女妻舜故謂堯甥卒與之天位
是天子之友匹夫也云四人謂姑之子舅之子妻之舅
弟姊妹之夫也此四人尊卑體敵更相為甥云甥猶生
也者取相親之意也云邢侯之姨諱公維私皆衛風碩
人篇文也孫炎曰私無正親之言然則謂吾姨者我謂
之私邢侯諱公皆莊姜姊妹之夫互言之耳春秋諱子
伐莒則諱是子爵言公者蓋依臣子稱便文耳云公羊

傳曰蓋舅出案春秋襄五年夏叔生豹鄆世子巫如晉
公羊傳曰外相如不書此何以書為叔孫豹率而與之
俱也叔孫豹則曷為率而與之俱蓋舅出也何休云巫
者鄆前夫人襄公母妹夫之子也俱莒外孫故曰舅出
是也云左傳曰姪其從姑案僖十五年傳云初晉獻公
筮嫁伯姬於秦遇歸妹之睽史蕪占之曰不吉其繇曰
姪其從姑杜注云震為木離為火火從木生離為震妹
於火為姑謂我姪者我謂之姑謂子圉質秦是也云公
羊傳者案春秋莊十九年秋公子結媵陳人之婦於鄆
遂及齊侯宗公盟公羊傳曰媵者何諸侯娶一國則二
國往媵之以姪娣從姪者何兄之子也娣者何弟也諸
侯一聘九女諸侯不再娶何休云必以姪娣從之者欲
使一人有子二人喜也所以妨嫉妬令重繼嗣也因以
儀尊尊親親也九者極陽數也不再娶者所以節人情
開媵路云猶今言新婦是也案儀禮喪服傳云夫之昆
弟何以無服也其夫屬乎父道者妻皆母道也其夫屬

乎子道者妻皆婦道也謂弟之妻婦者是嫂亦可謂之
母乎故名者人治之大者也可無慎乎鄭注云道猶行
也言婦人棄姓無常秩稱嫁於父行則為母行嫁於子
行則為婦行謂弟之妻為婦者卑遠之故謂之婦嫂者
尊嚴之稱是嫂亦可謂之母乎嫂猶嫂也嫂老人稱也
是為序男女之別爾若己以母婦之服服兄弟之妻兄
弟之妻以舅子之服服己則是亂昭穆之序也治猶理
也父母兄弟夫婦之理人倫之大者可不慎乎大傳曰
同姓從宗合族屬異姓主名治際會名著而男女有別
是別嫂婦之名也郭云猶今言新婦者以時驗而知也
至今猶然云今相呼先後或云妯娌者廣雅云娣如妯
娌娣如先後也人多疑娣如之名皆以為兄妻呼弟妻
為娣弟妻呼兄妻為如因即惑於斯文不知何以為說
今謂母婦之號隨夫尊卑娣如之名從身長幼以其俱
來夫族其夫班秩既同尊卑無以相加遂從身之少長
喪服小功章曰娣如婦報傳曰娣如婦者弟長也以弟

長解娣如言娣是弟如是長也公羊傳亦云娣者何弟也是其以弟解娣自然以長解如是長謂身之年長非夫之年長也此云長婦謂稚婦為娣婦娣謂長婦為娣婦者止言婦之長稚不言夫之大小左傳成公十一年穆姜謂聲伯之母為娣昭公八年傳叔向之嫂謂叔向之妻為娣二者皆呼夫弟之妻為娣豈計夫之長幼乎上云女子同出謂先生為娣郭云同出謂俱嫁事一夫也事一夫者以己生先後為娣娣則知娣娣以己之年非夫之年也故賈逵鄭玄及杜預皆云兄弟之妻相謂為娣言兩人相謂長者為娣知娣娣之名不計夫之長幼也

妻黨

婦稱夫之父曰舅稱夫之母曰姑姑舅在則曰君舅君

姑沒則曰先舅先姑注國語曰吾聞之先姑謂夫之庶母為少姑夫之兄為兄公注今俗呼兄鍾語之轉耳夫之弟為叔夫之姊為女公夫之女弟為女妹注今謂之女妹是也子之妻為婦長婦為嫡婦衆婦為庶婦女子子之夫為壻壻之父為姻婦之父為婚父之黨為宗族母與妻之黨為兄弟婦之父母壻之父母相謂為婚姻兩壻相謂為亞注詩曰瑣瑣姻亞今江東人呼同門為僚壻婦之黨為婚兄弟壻之黨為姻兄弟注古者皆謂

婚姻為兄弟嬪婦也注書曰嬪于虞謂我舅者吾謂之

甥也音義

稱如字少證照反公音鍾轉丁戀反又如字姻音因亞一駕反又作姪瑣桑果反僚力彫

反疏

此別夫婦婚姻之名也說文云婦服也從女持帚灑掃也白虎通云夫婦者何謂也夫者扶也以道

扶接婦者服也以禮屈服謂之舅姑者何舅者舊也姑者故也舊故老人稱也夫之父母謂舅姑何尊如父而非父者舅也親如母而非母者姑也鄭注喪服傳云女子子者子女也別於男子也說文云壻女之夫也從士從胥聞一知十為士胥者有才智之稱故謂女之夫為壻廣雅云壻謂之倩方言云東齊之間壻謂之倩白虎通云婚姻者何謂昏時行禮故曰婚婦人因夫而成故曰姻注國語曰吾聞之先姑者魯語季康子問於公父文伯之母曰主亦有以語肥也對曰吾能老而已何以語子曰雖然肥願有聞於主對曰吾聞諸先姑曰君子

能勞後世有繼子夏聞之曰善哉商聞之曰古之嫁者不及舅姑謂之不幸夫婦學於舅姑者也是矣瑣瑣姻亞小雅節南山文也劉熙釋名云兩壻相謂為亞者言每一人取姊一人取妹相亞次也又竝來女氏則姊夫在前妹夫在後亦相亞也古者皆謂婚姻為兄弟者禮記曾子問曰昏禮既納幣有吉日女之父母死則如之何孔子曰壻使人弔如壻之父母死則女之家亦使人弔鄭注云必使人弔者未成兄弟又云父喪稱父母喪稱母父母不在則稱伯父世母壻已葬壻之伯父致命女氏曰某之子有父母之喪不得嗣為兄弟使某致命女氏許諾而弗敢嫁禮也是古者謂婚姻為兄弟以夫婦有兄弟之義或據壻於妻之父母有總服故得謂之兄弟也嬪於虞者案堯典羣臣共舉舜於帝帝曰我其試哉女于時觀厥刑于二女釐降二女于媯汭嬪于虞孔安國注云降下嬪婦也舜為匹夫能以義理下帝女之心於所居媯水之汭使行婦道於虞氏是也

婚姻

爾雅注疏卷三

爾雅注疏卷三考證

釋訓第三○鄭樵曰訓者不可明言也但形容其義耳
故此篇只釋詩之言貌狀後始及其說焉

條條秩秩智也○詩小雅巧言篇秩秩大猷注智思深
長也秩秩說文作戴戴大猷漢書注作大繇

兢兢愬愬戒也○陸本愬作繩兢兢左傳作矜矜
惴惴懔懔懼也○鄭樵曰懔與懔通

悠悠洋洋思也○陸本悠悠作攸攸鄭樵曰思而無所

止貌

忒忒惕惕愛也○

臣照

按忒从氏與忒从氏者不同忒

音諦玉篇悶也忒集韻音飮忒忒和悅也又同忒釋
言怙恃也或从氏又音是恃事曰忒

蓁蓁孽孽戴也疏周南桃夭曰其葉蓁蓁○王應麟詩
攷曰通典作其葉蓁蓁

赫赫躍躍迅也○躍躍韓詩外傳作趯趯免免史記注
趯趯往來貌

坎坎塤塤喜也

臣照

按疏引詩塤塤舞我說文作鞀鞀

舞我鄭樵曰據詩所言非喜意但喜躍而鼓舞也

旭旭蹻蹻也○旭旭前漢書楊雄傳嘻嘻旭旭注師

古曰自得之貌也

夢夢訕訕亂也疏誨爾諄諄○王應麟詩攷引禮記注
曰誨爾怵怵鄭樵曰謂闇亂怵即諄也

版版盪盪僻也○陸本盪作蕩

仳仳瑣瑣小也疏引詩仳仳彼有屋說文作偁偁彼

有屋

昀昀田也疏引詩昀昀原隰○周禮疏引詩作留留原
隰

袼袼服也注謂戴弁服○陸本戴作載疏引詩載弁袼
袼說文作弁服袼袼

鐙鐙樂也○陸本鐙鐙作鐙鐙

穰穰福也○陸本穰穰作穰穰

佻佻契契愈遐急也疏引詩佻佻公子 韓詩外傳作

嬿嬿公子釋文往來貌

宴宴粲粲○陸本宴宴作燕燕

宴宴旦旦○旦旦說文作𦵏𦵏

懽懽𦵏𦵏○陸本懽懽作灌灌

翕翕訛訛○

臣照

按詩小雅小旻篇滃滃訛訛說文訛

訛不善之貌荀子作翕翕些些漢書作歎歎訛訛

不俟不來也○陸本俟作𦵏

赫兮咺兮威儀也○石經咺作烜韓詩外傳作赫兮宣

兮

有斐君子終不可諼兮○韓詩外傳作有邶君子注邶
美貌也

是刈是穫煮之也○石經穫作鑊陸本刈作又穫作
鑊

美女為媛注所以結好媛○陸本好媛作好媛
美士為彥注人所彥詠○陸本彥詠作嘒詠

擗拊心也○石經擗作辟

釋親第四

宗族 母黨 妻黨 婚姻○臣照按石經俱標題於

後鄭樵本亦在後監本毛本俱訛在前今改正

玄孫之子為來孫○陸本作徠孫

謂夫之庶母為少姑夫之兄為兄公○鄭樵本庶母作
少母陸本兄公作兄鍾

爾雅注疏卷三考證